

管蔡世家

衛康叔世家

曹叔世家

宋徽子世家

陳杞世家

晉世家



史記

管蔡世家第五

史記三十五

管叔鮮

正義曰音仙括地志云鄭州管城縣今州外城即管國城也是叔鮮所封國也

蔡叔度

者周文王子而武王弟也武王同母兄弟十人

母曰太妣

正義曰國語云杞繒二國妣姓夏禹之後大妣之家人太妣文王之妣武王之母列女傳云大妣

者武王之母禹後妣氏之也在邠之陽在渭之涘仁而明道文王喜之親迎於渭造舟為梁及入大妣惡任旦夕勤勞

以進婦道大妣號曰文母文王理外文母治內大妣生十男教誨自少及長未嘗見邪僻之事言常以正道持之也

王正妃也其長子曰伯邑考次曰武王發次曰

管叔鮮次曰周公旦次曰蔡叔度次曰曹叔振

鐸次曰成叔武

正義曰括地志云濮州雷澤縣在東南九十一里漢成陽縣古郟伯昭姓之國

其後遷於成之陽

次曰霍叔處

正義曰處昌汝反括地志云晉州霍邑縣本漢真縣也鄭玄註周禮

云霍山在東本春秋時霍伯國地次曰康叔封次曰冉季載正義曰冉音

秋時霍伯國地次曰康叔封次曰冉季載正義曰冉音

載最少同母兄弟十人徐廣曰文王之十子唯發曰

賢左右輔文王正義曰左故文王舍伯邑考而以

發為太子及文王崩而發立是為武王伯邑考

既已前卒矣武王已克殷紂平天下封功臣昆

弟於是封叔鮮於管杜預曰管在蔡封叔度於蔡

於魯而相周為周公封叔振鐸於曹封叔武於

成索隱曰按春秋隱五年衛師入戚杜預曰東平剛父縣有

故城應劭云武王封弟季載於成是封叔處於霍索隱曰

未得封索隱曰孔安國曰康畿內國武王既崩成王

少周公曰專王室管叔蔡叔疑周公之為不利

於成王乃挾武庚以作亂周公曰承成王命伐

誅武庚殺管叔而放蔡叔遷之與車十乘徒七

十人從而分殷餘民為二其一封微子啓於宋

以續殷祀其一封康叔為衛君是為衛康叔封

季載於冉索隱曰冉國也載名也季字也冉或作那國語

八年楚武王克權遷於那杜預云那處楚冉季康叔皆

地南郡編縣有那口城與那皆音奴甘反

有馴行音巡馴善也於是周公舉康叔為周司寇

冉季為周司空索隱曰事見左傳定公四年以佐成王治皆有

令名於天下蔡叔度既遷而死其子曰胡胡乃

改行率德馴善周公聞之而舉胡以為魯卿士

索隱曰尚書云蔡仲克庸祗德周公以為卿士叔卒乃命諸王邦之蔡元無仕魯之文又伯禽居魯乃是七年致政之後

此言乃說居攝政之初未魯國治於是周公言於成

王復封胡於蔡宋忠曰胡徙居新蔡以奉蔡叔之祀是為蔡

仲餘五叔皆就國無為天子吏者索隱曰五叔管叔蔡叔成叔曹

叔霍蔡仲卒子蔡伯荒立蔡伯荒卒子宮侯立

宮侯卒子厲侯立厲侯卒子武侯立武侯之時

周厲王失國奔彘共和行政諸侯多叛周武侯

卒子夷侯立夷侯十一年周宣王即位二十八

年夷侯卒子釐侯所事立釐侯三十九年周幽

王為犬戎所殺周室卑而東徙秦始得封為列

侯正義曰周幽王為犬戎所殺平王東徙洛邑秦襄公以兵救因送平王至洛故平王封襄公四十八

年釐侯卒子共侯興立共侯二年卒子戴侯立

戴侯十年卒子宣侯措父立宣侯二十八年魯

隱公初立三十五年宣侯卒子相侯封人立相

侯三年魯弒其君隱公二十年相侯卒弟哀侯

獻舞立哀侯十一年初哀侯娶陳息侯亦娶陳

杜預曰息國汝南新息縣息夫人將歸過蔡蔡侯不敬息侯怒

請楚文王來伐我我求救於蔡蔡必來楚因擊

之可以有功楚文王從之虜蔡哀侯以歸哀侯

留九歲死於楚凡立二十年卒蔡人立其子勝

是為繆侯繆侯以其女弟為齊相公夫人十八

年齊相公與蔡女戲船中夫人蕩舟相公止之

不止公怒歸蔡女而不絕也蔡侯怒嫁其弟索隱

楚邵陵已而諸侯為蔡謝齊齊侯歸蔡侯二十

九年繆侯卒子莊侯甲午立莊侯三年齊相公

曰弟女弟即蕩舟之姬

齊相公怒伐蔡蔡潰遂虜繆侯南至

卒十四年晉文公敗楚於城濮二十年楚太子

商臣弒其父成王代立二十五年秦穆八年三

十三年楚莊王即位三十四年北侯卒子文侯

申立文侯十四年楚莊王伐陳殺夏徵舒十五

年楚圍鄭鄭降楚楚復正音釋曰二十五年文侯

卒子景侯同立景侯元年楚莊王卒二十九年

景侯為太子般娶婦於楚而景侯通焉太子弒

景侯而自立是為靈侯靈侯二十五年楚公子圍弒

其王邲敖而自立為靈王正義邲楚九年陳司

徒招弒其君哀公索隱曰招或作若又楚使公子棄

疾滅陳而有之十二年楚靈王以靈侯弑其父

誘蔡靈侯于申正義曰故申城在鄧州伏甲飲之醉而殺之

刑其士卒七十人令公子棄疾圍蔡十一月滅

蔡使棄疾為蔡公正義曰蔡之大夫也楚滅蔡二歲楚公子

棄疾弑其君靈王代立為平王平王乃求蔡景

侯少子廬立之是為平侯宋忠曰平侯徙下蔡。索隱曰今平侯無者近脫耳

是年楚亦復立陳楚平王初立欲親諸侯故復

立陳蔡後由本曰平侯者靈侯之孫太子友之子平侯九年卒靈侯般

之孫東國攻平侯子而自立是為悼侯悼侯父

曰隱太子友太子友者靈侯之太子平立而殺隱太

子故平侯卒而隱太子之子東國攻平侯子而

代立是為悼侯悼侯三年卒弟昭侯甲立昭侯

十年朝楚昭王持美裘二獻其一於昭王而自

衣其一楚相子常欲之不與子常讒蔡侯留之

楚三年蔡侯知之乃獻其裘於子常子常受之

乃言歸蔡侯蔡侯歸而之晉請與晉伐楚十三

年春與衛靈公會邵陵蔡侯私於周襄弘以求

長於衛服虔曰載書使蔡在衛上衛使史鮒言康叔之功德乃

長衛夏為晉滅沈杜預曰汝南平輿縣有柳亭楚怒攻蔡蔡昭

侯使其子為質於吳正義質音致以共攻楚冬與吳王

闔閭遂破楚入郢蔡怨子常子常恐奔鄭十四  
年吳去而楚昭王復國十六年楚令尹為其民  
泣以謀蔡蔡昭侯懼二十六年孔子如蔡楚昭  
王伐蔡蔡恐告急於吳吳為蔡法約遷以自近  
易以相救昭侯私許不與大夫計吳人來救蔡  
因遷蔡于州來索隱曰州來在淮南下蔡縣二十八  
年昭侯將朝于吳大夫恐其復遷乃令賊利殺昭侯索隱曰利賊名  
也徐廣曰或作景巴而誅賊利以解過而立昭侯子朔是為成  
侯徐廣曰或作景成侯四年宋滅曹十年齊田常弑其君  
簡公十三年楚滅陳十九年成侯卒子聲侯產

立聲侯十五年卒子元侯立元侯六年卒子侯

齊立侯齊四年楚惠王滅蔡侯齊亡蔡遂絕

祀後陳滅三十二年索隱曰魯哀十七年楚滅陳其楚

三年即在春秋後二十三年伯邑考其後不知所封武王發其

後為周有本紀言管叔鮮作亂誅死無後周公

曰其後為魯有世家言蔡叔度其後為蔡有世

家言曹叔振鐸其後為曹有世家言索隱曰曹亦姬姓之國而

文之昭春秋之時頗稱疆國傳數十代而後二山豈可附管蔡亡國之末而及其篇第自合於為一篇成叔武

其後世無所見霍叔處其後至獻公時滅霍康

叔封其後為衛有世家言冉季載其後世無所

見

太史公曰管蔡作亂無足載者然周武王崩成  
王少天下既疑賴同母之弟成叔冉季之屬十  
人為輔拂是以諸侯卒宗周故附之世家言

曹叔世家

索隱曰按上文叔振鐸其後為曹有系家言即曹亦合題系家今附管蔡之末而不出題者蓋

以曹小而少事亦因附管蔡之末不別題篇爾且又管雖無後仍是蔡曹之兄故顯管於末而略曹曹叔振

鐸者周武王弟也武王已克殷紂封叔振鐸於

曹

宋忠曰濟陽定陶縣

叔振鐸卒子太伯聃立太伯卒子仲

君平立仲君平卒子宮伯侯立宮伯侯卒子孝

伯雲立孝伯雲卒子夷伯喜立夷伯二十三年

周厲王奔于彘三十年卒弟幽伯彊立幽伯九

年弟蘇殺幽伯代立是為戴伯戴伯元年周宣

王已立三歲三十年戴伯卒子惠伯兕立

孫檢曰兕音徐

子反曹惠伯或名雉或各弟或復名弟兕也。索隱曰按年表作惠公伯雉許引孫檢未詳何代或云齊人亦恐其人不註史記所以王儉上志阮孝緒比錄並無不知裴駟何所從錄惠伯二十五年周幽王

為大戎所殺因東徙益單諸侯畔之秦始皇列為

諸侯三十六年惠伯卒子石甫立其弟武殺之

代立是為繆公繆公二年卒子桓公終生立

孫檢

曰一作終桓公三十五年曾隱公立四十五年曾

弒其君隱公四十六年宋華父督弒其君殤公

及孔父五十五年相公卒子莊公多姑立索隱曰夕音亦

即射姑也莊公二十三年齊相公始霸三十一年同音亦

莊公卒子釐公夷立釐公九年卒子昭公班立

昭公六年齊相公敗蔡遂至楚召陵九年昭公

卒子共公襄立共公十六年初晉公子重耳其

亡過曹曹君無禮欲觀其駢脅韋昭曰駢者并幹也。正義曰駢白

邊反脅許業反整厘負羈正義曰釐音曹大夫諫不聽私善於重耳

二十一年晉文公重耳伐曹虜共公以歸令軍

毋入釐負羈之宗族間或說晉文公曰昔齊相

公會諸侯復異姓今君囚曹君滅同姓何以令

於諸侯晉乃復歸共公二十五年晉文公卒三

十五年共公卒子文公壽立文公二十二年卒

子宣公彊立索隱曰左傳宣公名廩宣公十七年卒弟成公

負芻立成公二十二年晉厲公伐曹虜成公以歸已

復釋之索隱曰按左傳成十五年晉厲公執負芻歸于京師晉立宣公弟子臧子臧曰聖達節次守節下失

節為君非五節也謂子臧反國吾歸而君于城反晉於是歸負芻五年晉欒

書中行偃使程滑弒其君厲公二十二年成公

卒子武公勝立武公二十六年楚公子棄疾弒

其君靈王代立二十七年武公卒子平公頃立

平公四年卒子悼公午立是歲宋衛陳鄭皆火

悼公八年宋景公立九年悼公朝於宋宋囚之  
曹立其弟野是為聲公悼公死於宋歸葬聲公  
五年平公弟通弑聲公代立是為隱公索隱曰諱周云春秋  
無其事今檢多系本及春秋悼伯卒弟露立諱靖公實無聲公隱公蓋是彼文自疎也隱公四年聲  
公弟露弑隱公代立是為靖公靖公四年卒子  
伯陽立伯陽三年國人有夢衆君子立于社宮  
賈逵曰社宮社也鄭衆曰社宮中有室屋也謀欲弑曹曹叔振鐸止之請  
待公孫彊許之曰求之曹無此人夢者戒其子  
曰我亡爾聞公孫彊為政必去曹無索隱曰罹曹禍  
曰離即罹罹被也及伯陽即位好田弋之事六年曹野人

公孫彊亦好田弋獲白鴈而獻之且言田弋之  
說因訪政事伯陽大說之有寵使為司城以聽  
政夢者之子乃云去公孫彊言霸說於曹伯十  
四年曹伯從之乃背晉干宋賈逵曰以小加大索  
乘晉而犯宋遂至滅也裴氏引賈逵註云以小加大者如陵也小即曹大謂晉及宋也宋景公伐之  
晉人不救十五年宋滅曹執曹伯陽及公孫彊  
以歸而殺之曹遂絕其祀  
太史公曰索隱曰檢諸本或無此論余尋曹共公之不用僇負  
羈乃乘軒者三百人正義曰晉世家云晉師入曹數之三百人知唯德之不建及振鐸之夢豈不欲引曹

之祀者哉。如公孫彊不脩厥政，叔鐸之祀忽諸。  
正義曰：至如公孫強不脩霸道之政，而伯陽之子立叔鐸，猶尚饗祭，祀豈合忽絕之哉。

索隱述贊曰

武王之弟

管蔡及霍

周公居相

流言是作

狼跋致艱

鳴鴉討惡

胡能改行

克復其爵

獻舞執楚

遇息禮薄

穆侯虜齊

蕩舟乖謔

曹共輕晉

負羈先覺

伯陽夢社

祚傾振鐸

管蔡世家第五

史記三十五

陳杞世家第六

史記三十六

陳胡公滿者，虞帝舜之後也。昔舜為庶人時，堯

妻之二女，居于媯汭，其後因為氏姓。媯氏舜

已崩，傳禹天下，而舜子商均為封國。索隱曰：按商均所封，虞即

今之梁國，虞城是也。夏后之時，或失或續。索隱曰：按夏代猶封虞思，虞遂是也。至于

周武王克殷紂，乃復求舜後。索隱曰：按左傳，武王

杜注：過父舜之後，陶正官名，是生滿者也。得媯滿，封之於陳。索隱曰：左傳曰：武王以元女太

姬配虞胡公而封之，陳以備三恪。以奉帝舜祀，是為胡公。胡公卒，子

申公犀侯立。申公卒，弟相公臯羊立。相公卒，子

申公子突，是為孝公。孝公卒，子慎公圉立。慎

公當周厲王時慎公卒子幽公寧立幽公十二年周厲王奔于彘二十三年幽公卒子釐公孝立釐公六年周宣王即位三十六年釐公卒子武公靈立武公十五年卒子夷公說立是歲周幽王即位夷公三年卒弟平公燮立正義曰燮平公七年周幽王為犬戎所殺周東徙秦始列為諸侯二十三年平公卒子文公圍立文公元年取蔡女生子佗正義曰佗可反十年文公卒長子桓公鮑立桓公二十三年魯隱公初立二十六年衛殺其君州吁三十三年魯弒其君隱公三十八年

正月甲戌己丑陳桓公鮑卒

索隱曰陳亂故再赴其日。正義曰甲戌己丑

六叶桓公弟佗其母蔡女故蔡人為佗殺五父

及桓公太子免而立佗

譙周曰春秋傳謂佗即五父也家與傳違。索隱曰譙周云世

家與春秋傳違者按左傳桓公五年文公子他殺桓公太子免而代立經六年蔡人在陳他立桓公子躍為厲公而左傳以厲公名躍他立未踰年故無謚又莊二十二年傳云陳厲公蔡出也故蔡人殺五父而立之則他與五父俱為蔡人所殺其事不異是一人明矣史記既以他為厲公遂以躍為利公尋厲利聲相近遂誤以他為厲公五父為別人是太史公錯耳而班固又以厲公為桓公弟又誤也是為厲公桓公病而亂作國人

分散故再赴

徐廣曰班氏云厲公厲公二年生子敬

仲完周太史過陳陳厲公使以周易筮之卦得

觀之否

賈逵曰坤下巽上觀坤下乾是為觀國之光

利用賓于王杜預曰此周易觀卦六四爻辭也易之為書六爻皆自有變象又有互體聖人隨其義而論

之此其代陳有國乎不在此其在異國正義曰六四變內卦

為中國外非此其身在其子孫正義曰內卦為身外卦

卦為異國若其在異國必姜姓正義曰六四變此爻是辛未觀

也故為姜姜齊正義曰姜姓之物莫能

兩大陳衰此其昌乎正義曰周敬王四十四年楚惠王

年彼田常殺之厲公取蔡女蔡女與蔡人亂厲公數如蔡

淫七年厲公所殺桓公太子免之二弟長曰躍

中曰林少曰杵曰共公令蔡人誘厲公以好女與

蔡人共殺厲公公羊傳曰淫于蔡蔡人殺之而立躍是為利公

利公者桓公子也利公立五月卒立中弟林是

為莊公莊公七年卒少弟杵曰立是為宣公宣

公三年楚武王卒楚始彊十七年周惠王娶陳

女為后二十一年宣公後有嬖姬生子欵欲立

之乃殺其太子禦寇禦寇素愛厲公子完完懼

禍及已乃奔齊齊桓公欲使陳完為卿完曰羈

旅之臣賈逵曰羈寄旅客也幸得免負擔君之惠也不敢當

高位桓公使為工正正義曰周禮二公之官齊懿仲欲

妻陳敬仲卜之占曰是謂鳳皇于飛和鳴鏘鏘

杜預曰雄曰鳳雌曰皇雄雌俱飛相和而鳴鏘鏘然也猶敬仲夫妻有聲譽有媯之後將育

于姜爭曰媯陳姓五世其昌並于正卿服虔曰言完

並八世之後莫之與京賈逵曰京大也。正義曰杜預

也而杜以常為八代者以相子無子生武子三十七年齊

相公伐蔡蔡敗南侵楚至召陵遠過陳陳大夫

轅濤塗惡其過陳詐齊令出東道東道惡相公

怒執陳轅濤塗是歲晉獻公殺其太子申生四

十五年宣公卒子欵立是為穆公穆公五年齊

相公卒十六年晉文公敗楚師于城濮是歲穆

公卒子共公朔立共公六年楚太子商臣弑其

父成王代立是為穆王十一年秦穆公卒十八

年。

共公卒子靈公平國立靈公正義曰謚法云元年

楚莊王即位六年楚伐陳十年陳及楚平十四

年靈公與其大夫孔寧儀行父皆通於夏姬正義

曰烈女傳云陳女夏姬者陳大夫夏徵舒之母御叔之妻也

三為王后七為夫人公侯爭之莫不迷惑失意杜預云夏姬

鄭穆公女陳大夫御叔之妻左傳云殺衷其衣以戲於

朝左傳曰衷其相服穀梁傳泄治諫曰君臣淫亂民

何效焉靈公以告二子二子請殺泄治公弗禁

遂殺泄治春秋曰陳殺十五年靈公與二子飲於

夏氏公戲二子曰徵舒似汝二子曰亦如公杜

曰靈公即位十五年徵舒已為卿年大無嫌是徵舒怒

靈公罷酒出徵舒伏弩廐門射殺靈公左傳曰公出自其廐

孔寧儀行父皆奔楚靈公太子午奔晉徵舒自立為陳侯徵舒故陳大夫也夏姬御叔之妻舒之母也成公九年冬楚莊王為夏徵舒殺靈公卒諸侯伐陳謂陳曰無驚吾誅徵舒而已已誅

徵舒因縣陳而有之羣臣畢賀申叔時使於齊來還獨不賀賈逵曰叔時楚大夫莊王問其故對曰鄙語

有之牽牛徑人田田主奪之牛徑則有罪矣奪之牛不亦甚乎今王以徵舒為賊弑君故徵兵諸侯以義伐之已而取之以利其地則後何以令

於天下是以不賀莊王曰善乃迎陳靈公太子午於晉而立之復君陳如故是為成公孔子讀史記至楚復陳曰賢哉楚莊王輕千乘之國而重一言索隱曰謂申叔時之語正義曰家語云孔子讀史記至楚復陳喟然曰賢哉楚莊王輕千乘之國而重一言之信非申叔時之忠弗能建其義非楚莊王之賢不能受其訓也二十八年楚莊

王卒二十九年陳倍楚盟三十年楚共王伐陳是歲成公卒子哀公弱立楚以陳喪罷兵去哀公三年楚圍陳復釋之二十八年楚公子圍弑其君郊敖自立為靈王三十四年初哀公娶鄭長姬生悼太子師少姬生偃索隱曰昭八年經云陳侯之弟招殺陳世子偃

長姬生悼太子師少姬生偃

侯之弟招殺陳世子偃

索隱曰昭八年經云陳侯之弟招殺陳世子偃

侯之弟招殺陳世子偃

師左傳曰陳哀八公元妃鄭姬生悼太子偃師今此云兩姬又分偃師為二人亦恐此非二嬖妾長妾

生留少妾生勝留有寵哀公哀公屬之其弟司

徒招哀公病三月招殺悼太子立留為太子哀

公怒欲誅招招發兵圍守哀公哀公自經殺徐廣

曰二十五年時招卒立留為陳君四月陳使使赴楚楚靈

王聞陳亂乃殺陳使者索隱曰即司徒招又一名苕使公子奔

疾發兵伐陳陳君留奔鄭九月楚圍陳十一月

滅陳使弃疾為陳公招之殺悼太子也太子之

子名吳出奔晉晉平公問太史趙曰陳遂亡乎

對曰陳顓頊之族服虔曰陳祖虞舜舜出顓頊故為顓頊之族陳氏得政

於齊乃卒二賈陸曰物莫能兩盛自幕至于瞽瞍無違命賈

曰幕舜後虞思也至于瞽瞍無聞違天命以廢絕者鄭眾曰

幕舜之先也駟案國語賈義為長。索隱曰賈達以幕為虞

思非也傳言自幕而至瞽瞍知幕在瞽瞍之前非虞思明矣舜重之以明德至於遂

杜預曰遂舜後蓋殷之與存舜之後而封遂言舜德乃至於

遂也。索隱曰重音持用反杜預以謂舜有明德乃至遂有

國義亦然也且文云自幕至瞽瞍無違命舜重之以明德是

言舜有明德為天子也乃云殷封遂代守之亦舜德也宋忠

云虞思之後箕伯直柄中衰殷湯封遂於陳以為舜後是也世世守之及胡公周賜

之姓杜預曰胡公滿遂之後也事周武王賜姓曰媯封之陳使祀虞帝且盛德之

後必百世祀虞之世未也其在齊乎楚靈王滅陳五歲楚公子弃疾弒靈王代立是為平王平王初立欲得和諸侯乃求故陳悼太子師之子

吳立為陳侯是為惠公惠公立探續哀公卒時年而為元空籍五歲矣索隱曰惠公探取哀公死楚陳滅之後為元年故今空經年籍

五歲矣一云籍借也為借失國之後年為五年七年陳火十五年吳王僚使

公子光伐陳取胡沈而去索隱曰系本云胡歸姓沈姐姓沈國在汝南平輿胡亦在

南二十八年吳王闔閭與子胥敗楚入郢是年

惠公卒子懷公柳立懷公元年吳破楚在郢召

陳侯陳侯欲往大夫曰吳新得意楚王雖云與

陳有故不可倍懷公乃以疾謝吳四年吳復召

懷公懷公恐如吳吳怒其前不往留之因卒吳

陳乃立懷公之子越是為湣公索隱曰按左傳湣公名周是史官記不同

也湣公六年孔子適陳吳王夫差伐陳取三邑

而去十二年吳復來伐陳陳告急楚楚昭王來

救軍於城父吳師去是年楚昭王卒於城父時

孔子在陳索隱曰按孔子以魯定公十四年適陳當湣公

八年何其父也十五年宋滅曹十六年吳王夫差伐齊敗

之艾陵使人召陳侯陳侯恐如吳楚伐陳二十

一年齊田常弒其君簡公二十三年楚之白公

勝殺令尹子西子綦龍表惠王葉公公攻敗白公白

公自殺二十四年楚惠王復國以兵北伐殺陳

湣公遂滅陳而有之是歲孔子卒

杞東樓公者夏后禹之後苗裔也

索隱曰杞國名也東樓公謚號

也不名者並史先失耳宋忠曰杞今陳留襄丘縣故地理志云雍丘縣故杞國周武王封禹後為東樓公是也蓋周封杞而居雍丘至春秋時杞已遷東國故左氏隱四年傳云莒人伐杞取牟婁牟婁者東邑也僖十四年傳云杞遷緣陵地理志北海有營陵傳于公之縣臣贊云即春秋緣陵傳于公所

都之邑又州國名杞後改國號曰州而稱淳于公故春秋相五年經云州公如曹傳曰淳于公如曹是也然杞後代又稱子者以微小又僻居東夷故襄二十九年經稱杞子來盟傳曰書曰子

賤之也殷時或封或絕周武王克殷紂求禹之

後得東樓公封之於杞

宋忠曰杞公之陳留雍丘縣也

以奉夏后氏

祀東樓公生西樓公西樓公生題公題公生謀

娶公

徐廣曰謀一作謨素隱曰娶子史反

謀娶公當周厲王時謀娶

公生武公武公立四十七年卒子靖公立靖公

二十三年卒子共公立共公八年卒子德公立

徐廣曰世本曰志公。素隱曰系本譙周並作惠公又云惠公止成公及桓公是此系家晚成公一代下云弟桓公姑容

立非也且成公不見春秋經傳故左氏莊二十五年云杞成公娶曾女有婚姻之好至僖二十二年卒始赴而書左傳云

有成公也末同盟以不書各是杞有成公必當如譙周所說也德公十八年卒弟桓公

姑容立

徐廣曰世本曰惠公立十八年生成公八年桓公立十七年桓公十

七年卒子孝公句立

索隱曰句音蓋孝公十七年卒弟文

公益姑立文公十四年卒弟平公鬱立

索隱曰一作郁重誰

周二云名鬱來莒蓋鬱郁釐來聲相近遂不曰也平公十八年卒子悼公成立

悼公十二年卒子隱公乞立七月隱公弟遂弒

隱公自立是為釐公釐公十九年卒子濬公維

立濬公十五年楚惠王滅陳十六年濬公弟闕

路弑濬公代立是為哀公索隱曰闕音遏哀公殺兄濬公而立益益哀譙周二云益

也也哀公立十年卒濬公子軟立徐廣曰軟一作速是為出

公出公十二年卒子簡公春立立一年楚惠王

之四十四年滅杞杞後陳云三十四年杞小微

其事不足稱述舜之後周武王封之陳至楚惠

王滅之有世家言禹之後周武王封之杞楚惠

王滅之有世家言契之後為殷殷有本紀言殷

破周封其後於宋齊濬王滅之有世家言后稷

之後為周秦昭王滅之有本紀言臯陶之後或

封英六索隱曰本或入作蓼六皆通然蓼六皆各縣之後

臧文仲聞六與蓼滅曰臯陶庭堅不祀忽諸杜預云蓼與六皆各縣後地理志云六安故國臯陶後偃偃姓為楚所滅又偃

十七年齊人徐人伐英八氏杜預曰英六皆臯陶後國名是有英蓼英六偃不能詳或者英改號蓼楚穆王

滅之無譜伯夷之後至周武王復封於齊曰太

公望陳氏滅之有世家言伯翳之後至周平王

時封為秦項羽滅之有本紀言索隱曰秦祖伯翳解者以翳益則為一人

今言十一人叙伯翳而又別言垂益則是一人也且按舜本紀叙十人無翳而有彭祖彭祖亦墳典不載未知大史公意

如何恐多見誤然據秦本紀叙翳之功云佐舜馴調鳥獸與舜典命益作虞若予上下草木鳥獸文同則為一人必矣今

未詳其所以垂益變龍其後不知所封不見也右十一

人者皆唐虞之際各有功德臣也其五人之後

皆至帝王

索隱曰舜禹身為帝王其後契及鬻熊則後代皆為帝王也

餘乃為顯諸

侯滕薛騶夏殷周之間封也小不足齒列弗論

也索隱曰滕不知本封蓋軒轅氏之子有滕姓是其祖也後周封文王子錯叔繡於滕故宋忠云今沛國公丘是滕國

也薛奚仲之後任姓蓋夏殷所封故春秋有滕侯薛侯邾曹

姓之國陸終氏之子會人之後特國今魯國驪縣是也然三

國微小春秋時亦預會盟蓋史缺無可叙列也又許文叔太

事亦可叙其本周武王時侯伯尚千餘人及幽厲

未補許世家之後諸侯力攻相并江黃胡沈之屬不可勝數

索隱曰系本江黃二國並贏姓又地理志江國在汝南安陽縣故弗采著于傳上

太史公曰舜之德可謂至矣禪位於夏而後世

血食者歷三代及楚滅陳而田常得政於齊身卒

為建國百世不絕苗裔茲茲有土者不乏焉至

禹於周則杞微甚不足數也楚惠王滅杞其後

越王勾踐興

索隱述贊曰

盛德之祀必及百世舜禹餘烈

陳杞是繼媯滿受封東樓纂出

闕路篡逆夏姬淫嬖二國衰微

或淪或替前并後虜皆亡楚惠

勾踐勃興田和吞噬蟬聯血食

豈其苗裔

東史卷之六

史記評林伯玖拾陸字

註貳評真仙壹拾捌字

陳杞世家第六

史記三十六

衛康叔世家第七

史記三十七

衛康叔索隱曰康畿內國名宋忠曰康叔從康徙封衛名

封周武王同母少弟也衛即殷墟定昌之地畿內之康不知所在也其次尚有冉季冉季最

少武王已克殷紂復以殷餘民封紂子武庚祿

父比諸侯以奉其先祀勿絕為武庚未集索隱曰集和也

恐其有賊心武王乃令其弟管叔蔡叔傅相武

庚祿父以和其民武王既崩成王少周公旦代

成王治當國管叔蔡叔疑周公乃與武庚祿父

作亂欲攻成周索隱曰成周洛陽其時周公相成王營

居洛邑成周於是周公東周公旦以成王命興師伐殷殺武

居洛邑伐管蔡

庚祿父管叔放蔡叔以武庚殺餘民封康叔為  
衛君居河淇間故商墟索隱曰宋忠云今定昌也周公曰懼康  
叔齒少乃申告康叔曰必求殷之賢人君子長  
者問其先殷所以興所以亡而務愛民告以紂  
所以亡者以淫於酒酒之失婦人是用故紂之  
亂自此始為梓材正義曰若梓人為材君子觀為法則也梓匠人也示君子  
可法則故謂之康誥酒誥梓材以命之康叔之  
國既以此命能和集其民民大說成王長用事  
舉康叔為周司寇賜衛寶祭器左傳曰分康叔以茂旃旌大呂賈達曰大路金路也少帛雜帛也績茂大赤也通帛為旃析羽為旌大呂鍾名鄭眾曰績茂旃名也以

章有德康叔卒子康伯代立

索隱曰系本康伯名也

周康王為大夫按左傳所稱王孫牟父是也牟髮聲相近故不同耳譙周古史考無康伯而云子牟伯立蓋以不且父子俱謚康故因其名云牟伯也康伯卒子考伯立考伯卒子嗣伯

立嗣伯卒子廋伯立

史記音義曰音捷。索隱曰系本作孽伯廋伯卒子

靖伯立靖伯卒子貞伯立

索隱曰系本作箕伯貞伯卒子頃

侯立頃侯厚賂周夷王夷王命衛為侯

索隱曰命侯誥稱命侯

侯于東土又云孟侯朕其弟小子封則康叔初封已為侯也此子康伯即稱伯者謂方伯之伯耳非至子即降爵為伯也故孔安國曰孟長也五侯之長謂方伯方伯州牧也故五代孫祖桓為方伯耳至頃侯德衰不監諸侯乃從本爵而稱侯非是至子而削爵及頃侯賂夷王而稱侯也頃侯立十二年卒子釐侯立

釐侯十三年周厲王出狩于瑳共和行政焉二

十八年周宣王立四十二年釐侯卒太子共伯

餘立為君共伯弟和有寵於釐侯多予之賂和

以其賂賂士以襲攻共伯於墓上共伯入豎厘侯

羨自殺索隱曰美音延延墓道又音以戰反恭伯名餘也衛人因葬之釐侯

旁謚曰共伯而立和為衛侯是為武公索隱曰和

立此說蓋非也按季扎美康叔武公之德又國語稱武公九年九十五矣猶歲誠於國恭恪于朝作抑自微至於沒身謂之

豈聖又詩著衛世子恭伯早卒不云被殺若武公殺兄而代立豈可以為訓而形之于國史乎蓋太史公採雜說而為此記耳武公即位修康叔之政百姓和集四十二年

大戎殺周幽王武公將兵往佐周平戎甚有功

周平王命武公為公五十五年卒子莊公揚立

莊公五年取齊女為夫人好而無子又取陳女

為夫人生子蚤死陳女女弟亦幸於莊公而生

子完索隱曰女弟戴也子完為州吁所殺戴為歸陳詩燕燕于飛是也完母死莊公令

夫人齊女子之立為太子索隱曰子之謂養之為子也齊女即莊姜也詩碩人

篇閔之是也莊公有寵妾生子州吁十八年州吁長好

兵莊公使將石碯諫莊公賈逵曰石碯衛上卿曰庶子好兵

使將亂自此起不聽二十二年莊公卒太子完

立是為相公相公二年弟州吁驕奢相公絀之

州吁出奔十二年鄭伯弟段攻其兄不勝亡而

州吁求與之友十六年州吁收聚衛亡人以襲

殺栢公州吁自立為衛君為鄭伯弟段欲伐鄭  
 請宋陳蔡與俱三國皆許州吁州吁新立好兵  
 弑栢公衛人皆不愛石碻乃因栢公母家於陳  
 詳為善州吁至鄭郊石碻與陳侯共謀使右宰  
 醜進食因殺州吁于濮服虔曰右宰醜衛大夫濮陳地○索隱曰賈逵云濮陳地  
按濮水有受河又受汴汴亦受河東北至離狐分為二俱東  
比至鉅野入濟則濮在曹衛之間賈言陳地非也若據地理  
志陳留封立縣濮水受沛當言陳留水也而迎栢公弟晉於邢而立之賈逵  
曰邢周公之是為宣公宣公七年曾弑其君隱公  
增姬姓國九年宋督弑其君殤公及孔父十年晉曲沃莊  
 伯弑其君哀侯十八年初宣公愛夫人夷姜夷

姜生子伋以為太子而令右公子傅之右公子  
 為太子取齊女未入室而宣公見所欲為太子  
 婦者好說而目取之更為太子取他女宣公得  
 齊女生子壽于朔令左公子傅之杜預曰左右媵之子因以為號  
 太子伋母死宣公正夫人與朔共讒惡太子伋  
 宣公自以其尊太子妻也心惡太子欲廢之及  
 聞其惡大怒乃使太子伋於齊而令盜遮界上  
 殺之正義曰左傳云衛宣公使太子伋之齊使盜遮界上與太子白  
 旄而告界盜見持白旄者殺之且行子朔之兄  
 壽太子異母弟也知朔之惡太子而君欲殺之

乃謂太子曰。界盜見太子白旄。即殺太子。太子  
可毋行。太子曰。逆父命求生。不可。遂行。壽見太  
子不止。乃盜其白旄。而先馳至界。界盜見其驗。  
即殺之。壽已死。而太子伋又至。謂盜曰。所當殺  
乃我也。盜并殺太子伋。以報宣公。宣公乃以子  
朔為太子。十九年。宣公卒。太子朔立。是為惠公。  
左右公子不平。朔之立也。惠公四年。左右公子  
怨惠公之讒殺前太子伋。而代立。乃作亂攻惠  
公。立太子伋之弟黔牟為君。惠公奔齊。衛君黔  
牟立。八年。齊襄公率諸侯奉王命。共伐衛。納衛惠

公。誅左右公子。衛君黔牟奔于周。惠公復立。惠  
公立三年。出亡。亡八年。復入。與前通年。凡十三  
年矣。二十五年。惠公怨周之容舍黔牟。與燕伐  
周。周惠王奔温。衛燕立。惠王弟頹為王。二十九  
年。鄭復納惠王。三十一年。惠公卒。子懿公赤立。  
懿公即位。好鸛。鸛正義曰。括地志云。故鶴城在滑州。正城  
縣西南十五里。左傳云。衛懿公好鶴。有  
乘軒者。狄伐衛。公欲戰。國人受甲者。皆曰。使鶴。鶴實有  
有祿位。余焉能戰。俗傳懿公養鶴於此城。因名也。淫樂  
奢。後九年。翟伐衛。懿公欲發兵。兵或畔。大臣  
言曰。君好鸛。鸛可令擊翟。於是遂入殺懿公。懿  
公之立也。百姓大臣皆不服。自懿公父惠公朝

之讒殺太子伋代立至於懿公常欲敗之卒威  
惠八公之後而更立黔牟之弟昭伯頑之子申為  
君是為戴八戴八公申元年卒齊桓公以衛數亂  
乃率諸侯伐翟為衛築楚丘正義曰括地志云城武縣有楚丘亭立戴  
公弟燬為衛君賈誼書曰衛侯朝於周周行人問其名曰燬燬然後受之正義曰燬音毀是為文公文公以  
亂故犇齊齊人入之初程殺懿公也衛人憐之  
思復立宣公前死太子伋之後伋子又死而代  
伋死者子壽又無子太子伋同母弟二人其一  
曰黔牟黔牟嘗代惠公為君八年復去其二曰

昭伯昭伯黔牟皆已前死故立昭伯子申為戴  
公戴公卒復立其弟燬為文公文公初立輕賦  
平罪索隱曰輕賦稅平斷刑也平或作卒卒謂士卒也罪字連下讀蓋亦一家之義耳身自勞與  
百姓同苦以收衛民十六年晉公子重耳過無  
禮十七年齊桓公卒二十五年文公卒子成公  
鄭立成公三年晉欲假道於衛救宋成公不許  
晉更從南河度服虔曰南河齊南之東南流河也杜預曰從伋即南度出衛南救宋  
徵師於衛衛大夫欲許成公不肯大夫元咺攻  
成公成公出犇索隱曰奔楚正義曰咺况遠反晉文公重耳伐  
衛分其地予宋討前過無禮及不救宋患也衛

成公遂出奔陳索隱曰左傳衛侯聞楚師敗懼出奔楚遂適陳也二歲如周

求入與晉文公會晉使人鳩衛成公成公私於

周主鳩令薄得不死索隱曰按私謂賂之也已而周為請晉

文公卒入之衛而誅元咺衛君瑕出奔陳索隱曰是元咺所立

者成公入而殺之故僖三十年經云衛殺其大夫元咺及公子瑕此言奔非也

七年晉文公卒

十二年成公朝晉襄公十四年秦穆公卒二十

六年齊郟歆弒其君懿公索隱曰郟歆與左氏同而齊系家作郟戎者蓋郟歆

掌帥戎車故號郟戎郟音內歆亦作郟三十五年成公卒世本曰成公徙濮陽帝立子穆公穆公二年楚莊王伐陳

殺夏徵舒三年楚莊王圍鄭鄭降復釋之十一

年孫良夫救魯伐齊復得侵地穆公卒子定公

臧立定公十二年卒子獻公術立獻公十三年

公令師曹教宮妾鼓琴賈逵曰師曹樂人妾不善曹答之

妾以幸惡曹於公公亦答曹三百十八年獻公

戒孫文子甯惠子食皆往日盱不召服虔曰孫文子林父也甯

惠子甯殖也較戒二子欲共晏食皆服朝衣待命盱晏也而去射鴻於囿二子從

之服虔曰從公於囿公不釋射服與之言左傳曰不釋皮冠二子怒

如宿服虔曰孫文子邑也孫文子子數待公飲

使師曹歌巧言之卒章杜預曰巧言詩小雅也其卒章曰彼

師曹又怒公之嘗

何人斯居河之麋無拳無勇職為亂階公欲以壁烹文子居河上而為亂

管三百乃歌之欲以怒孫文子報衛獻公文子  
語遽伯玉伯玉曰臣不知也賈逵曰伯玉衛大夫遂攻出獻  
公獻公奔齊齊置衛獻公於聚邑孫文子甯惠  
子共立定公弟秋為衛君是為殤公公休廣曰班氏云獻公弟秋  
殤公秋立封孫文子林父於宿十二年甯喜與  
孫林父爭寵相惡殤公使甯喜攻孫林父林父  
奔晉復求入故衛獻公獻公在齊齊景公聞之  
與衛獻公如晉求入晉為伐衛誘與盟衛殤公  
會晉平公平公執殤公與甯喜而復入衛獻公  
獻公云在外十二年而入獻公後元年誅甯喜

三年吳延陵季子使過衛見遽伯玉史鮑曰衛  
多君子其國無故過宿孫林父為擊磬曰不樂  
音大悲使衛亂乃此矣是年獻公卒子襄公惡  
立襄公六年楚靈王會諸侯襄公稱病不往九  
年襄公卒初襄公有賤妾幸之有身夢有人謂  
曰我康叔也今若子必有衛名而子曰元妾怪  
之問孔成子服虔曰衛卿孔丞鉅成子曰康叔者衛祖也及  
生子男也以告襄公襄公曰天所置也各之曰  
元襄公夫人無子於是乃立元為嗣是為靈公  
靈公五年朝晉昭公六年楚公子弃疾弑靈王

自立為平王十一年火三十八年孔子來祿之

如魯後有隙孔子去後復來三十九年太子蒯

瞶與靈公夫人南子有惡賈逵曰南子宋共欲殺南子蒯

瞶與其徒戲陽邀謀朝使殺夫人賈逵曰戲陽邀

義曰戲陽戲陽後悔不果蒯瞶數自之夫人覺之懼

呼曰正義曰呼太子欲殺我靈公怒太子蒯瞶弄

宋已而之晉趙氏四十二年春靈公游于郊令

子郚僕賈逵曰郚僕也郚靈公少子也字子南靈公怒太

子出犇謂郚曰我將立若為後郚對曰郚不足

以辱社稷君更圖之服虔曰郚自謂已無德夏靈公

卒夫人命子郚為太子曰此靈公命也郚曰亡

人太子蒯瞶之子輒在也不敢當於是衛乃以

輒為君是為出公六月乙酉趙簡子欲入蒯瞶

乃令陽虎詐命衛十餘人衰經歸服虔曰衰經為

也簡子送蒯瞶衛人聞之發兵擊蒯瞶蒯瞶不

得入入宿而保衛人亦罷兵出公輒四年齊田

乞弒其君孺子八年齊鮑子弒其君悼公孔子

自陳入衛九年孔文子問兵於仲尼仲尼不對

其後魯迎仲尼仲尼反魯十二年初孔圉文子

取太子蒯瞶之姊生悝孔氏之豎渾良夫美好

孔文子卒良夫通於悝母太子在宿悝母使良

夫於太子太子與良夫言曰苟能入我國報子

以乘軒免子三死母所與死杜預曰軒大夫車也三死

三罪紫衣袒袵帶劍也紫衣君服也熱故偏袒不敬也衛侯

求令名者與之食焉太子請使良夫良夫紫衣狐裘不釋劍

而食太子使牽退數之罪而殺之與之盟許以悝母為妻閏月良

夫與太子入舍孔氏之外圃服虔曰圃園昏二人蒙衣

而乘服虔曰二人謂良夫太子蒙衣為婦人之服以巾蒙其頭而共乘也官者羅御如孔

氏孔氏之老嬖窻問之服虔曰家臣稱老問其姓名稱姻妾以

告賈逵曰婚姻家妾也遂入適伯姬氏服虔曰入孔氏家適伯姬所居既食悝

母杖戈而先服虔曰先至孔悝所太子與五人介輿猴從之

賈逵曰介被甲也輿假豚欲以盟整

伯姬劫悝於廁彊盟之遂劫以登

臺服虔曰於衛臺上召衛羣臣樂窻將飲酒炙未熟聞亂使告

仲由服虔曰季路為引召護駕乘車服虔曰召護衛大夫

車也言無行爵食炙服虔曰樂窻使召季路乃行爵食炙奉出公輒犇魯

護奉衛侯仲由將入遇子羔將出賈逵曰子羔衛大夫

出曰門已閉矣子路曰吾姑至矣杜預曰且子羔

曰不及莫踐其難賈逵曰言家臣憂不及國不得踐履

當踐其難子羔言不及子路曰食焉不辟其難服虔曰

以為季路欲死國也子羔遂出子路入及門公孫敢闔

門曰母入為也服虔曰公孫敢衛大夫子路曰是公

此明其不死國也子羔遂出子路入及門公孫敢闔

孫也求利而逃其難由不然利其祿必救其患  
有使者出子路乃得入曰太子焉用孔悝雖殺  
之必或繼之王肅曰必有繼續其後攻太子且曰太子無勇若燔臺  
必舍孔叔太子聞之懼下石乞孟獻黑敵子路服  
曰二子蒯聵之臣敵當也口正義以戈擊之割纓子路  
曰燔音煩全音捨履黑音乙減反曰君子死冠不免服虔曰不使冠在地結纓而死正義曰纓冠綏也孔  
子聞衛亂曰嗟乎柴也其來乎由也其死矣孔  
悝竟立太子蒯聵是為莊公莊公蒯聵者出公  
父也居外怨大夫莫迎立元年即位欲盡誅大  
臣曰寡人居外久矣子亦嘗聞之乎羣臣欲作

亂乃止二年魯孔立至三年莊公上城見戎州

賈逵曰戎州戎人之邑也○索隱曰左傳云戎州人攻之是也  
隱二年公會戎于替以預云陳留濟陽縣東南有戎城齊陽  
與衛近故莊公登臺望見戎州又七年云戎伐凡伯于楚丘日戎與衛相近也曰戎虜何為是

戎州病之十月戎州告趙簡子簡子圍衛十一

月莊公出奔索隱曰左傳莊公本由晉趙氏納之立而奔晉晉伐衛衛人出莊公立公子般師晉師還

莊公復入般師出奔初公登城見戎州已氏之妻髮美髡之  
以為夫人髡又欲剪戎州兼逐石圃故石圃攻莊公莊公懼  
踰北牆折股入已氏已氏殺之今系家不言莊公復入及死  
已氏直云出奔亦其疎也又左傳云衛復立般師齊伐衛立  
公子起執般師明年衛石圃逐其君起起衛人立公子

斑師為衛君左傳曰斑師襄公之孫齊伐衛虜斑師更立公

子起為衛君服虔曰起衛君起元年衛石曼專逐

史記齊世家云莊公二十二年

其君起索隱曰左傳作石圃此專音圃穀梁起齊衛

出公輒自齊復歸立初出公立十二年云云在

外四年復入出公後元年賞從王者立二十一年卒

索隱曰按出公初立十二年亡在外四年復入九年卒是立二十一年自即位至卒凡經二十五年而卒

于出公季父黔攻出公于而自立是為悼公悼

公五年卒索隱曰紀年云四年子敬公弗立世本云敬

敬公十九年卒子昭公糾立索隱曰系本云敬公生燒公舟非也是時

三晉疆衛如侯屬之昭公六年公子

臯正義曰弒之代立是為懷公懷公十一年公子

頹弒懷公而代立是為慎公慎公父公子適索隱曰

曰音的系本適作處及婁悼公也適父敬公也慎公四十二年卒子

聲公訓立索隱曰訓亦作馴同休穀耳公十一年卒子

成侯速立索隱曰速系本作不折按上穆公已名速不可成侯更各則系本昇也成侯十

一年公孫鞅入秦索隱曰秦本紀云孝公元年鞅入秦又按年表成侯與秦孝公同年然則

十一年當為元年字誤耳十六年衛更貶號曰侯二十九年成

侯卒子平侯立平侯八年卒子嗣君立索隱曰樂資據紀年

以嗣君即孝襄侯嗣君五年更貶號曰君獨有濮陽四十

二年卒子懷君立懷君三十一年朝魏魏囚殺

懷君魏更立嗣君弟是為元君元君為魏壻故

魏立之徐廣曰班氏云元君者懷君之弟元君十四年秦拔魏東地

秦初置東郡更徙衛野王縣而并濮陽為東郡  
索隱曰魏都大梁濮陽於陽並是魏之東地故立郡名東郡也二十五年元君卒子君

角立年表云元君十一年秦置東郡十二年徙野王二十二年卒索隱曰年表與此不同徐註備矣

角九年秦并天下立為始皇帝二十一年二世

廢君角為庶人衛絕祀

太史公曰余讀世家言至於宣公之太子以婦  
見誅弟壽爭死以相讓此與晉太子申生不敢  
明驪姬之過同俱惡傷父之志然卒死云何其  
悲也或父子相殺兄弟相滅亦獨何哉  
索隱述楚具曰

司寇受封

梓材有作

成錫厥器

夷加其爵

暨武能修

從文始約

詩美歸燕

傳矜石碣

皮冠射鴻

乘軒使鸛

宣縱淫嬖

曹生伋朔

蒯瞶得罪

出公行惡

衛祚日衰

失於君角

史記卷四十四

註貳阡壹伯玖拾陸字

衛康叔世家第七

史記三十七

宋微子世家第八

史記三十八

微子開者

孔安國曰微畿內國名子爵也為紂卿士○索隱曰按尚書微子之命篇云命微子啓代殷後

今此名開者避漢景帝諱也

殷帝乙之首子而紂之庶兄也

索隱曰按尚書

亦以為殷王元子而是紂之兄呂氏春秋云生微子時母猶為妾及為妃而生紂故微子為紂同母庶兄

立不明淫亂於政微子數諫紂不聽及祖伊以

周西伯昌之修德滅虜

徐廣曰虜音者○索隱曰者即黎也鄒諫云本黎音黎孔

安國云黎在上黨東北即今之黎亭

虜國懼禍至以告紂紂曰我生

不有命在天乎是何能為於是微子度紂終不

可諫欲死之及去未能自決乃問於太師少師

孔安國曰太師三公箕子也少師孤卿比干也

曰殷不有治政不治四方

孔安

國曰言殷不有治政馬融曰我祖湯也孔我祖遂陳於上安國曰言湯遂其功

陳力於上世也紂沈湎於酒婦人是用亂敗湯德於下馬融曰

曰下下世也殷既小大好草竊女嫫孔安國曰草野盜竊卿

士師師非度馬融曰非但小人學為其效究卿皆有罪辜

乃無維復鄭玄曰復得也羣臣皆有是罪其小民乃並

興相為敵讎孔安國曰士既亂而小民今殷其典

喪若涉水無津涯徐廣曰一作師水無舟航言危也馳

篆字變易勿其義亦殊喪音息良反殷遂喪越至于今馬融曰越於也於

曰太師少師馬融曰重我其發出往鄭玄曰發起也

其起作出往也去索隱曰往尚吾家保于喪徐廣曰一云

案馬融曰卿大夫稱家今女無故告王肅曰無意告我也予顛躋

知之何其馬融曰躋結墜也恐顛墜於非義當如之何也

太師若曰王子天篤下苗亡殷國孔安國曰微子

子天生紂為亂是下苗也鄭玄曰少乃母畏畏不用老

長孔安國曰上不畏天苗下不畏今殷民乃陋淫神祇

之祀徐廣曰一云今殷民侵神穢又一云陋淫侵神祇

氏云陋淫案馬融曰大曰神地曰祇索隱曰尚書作穢

酒輕穢也今誠得治國國治身死不恨為死終不

得治不如去遂亡箕子者馬融曰箕子紂親戚也

紂始為象箸索隱曰箸音持略反按下文云為象箸必為

紂始為象箸王杯杯箸者事相近周禮六樽有犧象箸壺

山著尊者著地無足是也劉氏言直  
慮反則杯箸亦食用之物並通為器箕子歎曰彼為象

箸必為玉栴為栴則必思遠方珍怪之物而御

之矣輿馬宮室之漸自此始不可振也紂為淫

泆箕子諫不聽人或曰可以去矣箕子曰為人

臣諫不聽而去是彰君之惡而自說於民吾不

忍為也乃被髮佯狂而為奴遂隱而鼓琴以自

悲故傳之曰箕子操風俗通義曰其道閉塞憂秋心而作

困厄窮迫雖怨恨失意猶守禮義王子比干亦紂之

親戚也見箕子諫不聽而為奴則曰君有過而

不以死爭則百姓何幸乃直言諫紂紂怒曰吾

聞聖人之心有七竅信有諸乎乃遂殺王子比

干剗視其心微子曰父子有骨肉而臣主以義

屬故父有過子三諫不聽則隨而號之人臣三

諫不聽則其義可以去矣於是太師少師乃勸

微子去遂行時比干已死而周武王伐紂克殷微子

乃持其祭器造於軍門肉袒面縛素隱曰肉袒者

縛者縛手於背而面向前也左牽羊右把茅膝行而

前以告於是武王乃釋微子復其位如故武王

封紂子武庚祿父以續殷祀使管叔蔡叔傅相

之武王既克殷訪問箕子武王曰於乎維天陰

劉氏云面即背也義稍迂

紂而露肉也

紂而露肉也

紂而露肉也

紂而露肉也

紂而露肉也

紂而露肉也

定下民相和其居

孔安國曰天不言而默定下民助合其居使有常生之資也

我不

知其常倫所序

孔安國曰言我不知天所以定民之常道理以序問何由

箕子對

曰在昔鯀陞鴻水汨陳共五行

孔安國曰陞塞汨亂也治水失道是

帝乃震怒不從鴻範九等常倫所斁

徐廣曰一作釋

亂陳 鯀案鄭玄曰帝天也天以鯀如是乃震動其威怒不順天道大法九類言王所問所由敗也

魚則殛死

禹乃嗣興

鄭玄曰春秋傳曰舜之誅也鯀鯀其舉也與禹 天乃錫禹鴻範九

等常倫所序

孔安國曰天類禹浴出書也神龜負文而出列於時有數至十九禹遂因而第之以成九

類初一日五行二曰五事三曰八政四曰五紀

五曰皇極六曰三德七曰稽疑八曰庶徵九曰嚮用五福畏用六極

馬融曰言天所以畏懼人用六極 五行一曰水

二曰火三曰木四曰金五曰土

鄭玄曰此數本諸陰陽所生之次也 水

曰潤下火曰炎上

孔安國曰言其自然之常性也

木曰曲直

孔安國曰木可揉使

曲曰從革

馬融曰金之性從人正更可銷鍊

土曰稼穡

王肅曰種之曰稼斂

潤下作鹹

孔安國曰水鹵所生

炎上作苦

孔安國曰焦氣之味 曲直

作酸

孔安國曰木質之性

從革作辛

孔安國曰全氣之味 稼穡作甘

生於白穀五行以下箕子所陳 五事一曰貌二曰言三曰視四曰

聽五曰思貌曰恭言曰從

馬融曰發言當使可從 視曰明聽曰

聰思曰睿

馬融曰睿通也

恭作肅從作治

馬融曰出令而明從所以為治也 明

作智聰作謀

孔安國曰所謀必成審也 睿作聖

孔安國曰於事

無不通 八政一曰食二曰貨三曰祀四曰司空

空掌管城郭主空土以居民五曰司徒孔安國曰司徒六曰司寇馬融曰司寇

曰主誅鄭玄曰掌諸侯朝觀之官八曰師鄭玄曰掌軍旅之官五紀一

曰歲二曰月三曰日四曰星辰馬融曰星二十八宿辰日月之所會也鄭

玄曰星五曰歷數孔安國曰歷數節氣之度以為歷數教授民時皇極皇建其

有極孔安國曰大中之道大立其有中謂行九疇之義欽時五福用傳錫其庶

民馬融曰當欽是五福之道用布與眾民維時其庶民于女極馬融曰以

五福故眾民於汝錫女保極鄭玄曰又賜女凡厥庶民

母有淫朋人母有比德維皇作極孔安國曰民有善則無淫過朋

念之馬融曰凡其眾民有謀有所執守當思念其行有所極也不協于極不離

于咎皇則受之孔安國曰凡民之行雖不合於中而

安而色曰予所好德女則錫之福孔安國曰女當

德也女則與之爵祿下人人曰我所好者時人斯其維皇之極孔安國曰不

惟大之中言可勉進也女與之福則是人比其母侮鰥寡而畏高明馬融曰高

不在法畏之人之有能有為使羞其行而國其昌王肅曰

行任之以政則國為之昌允厥正人既富方穀孔安國曰正直之人

以善道接之女不能使有好于而家時人斯其享孔安國

使正人有恥於國家則是人斯其誅罪而去也于其母好女雖錫之福其

你女用咎鄭玄曰無好於女家之人雖錫之以爵祿母偏

毋頗其動作為女用惡謂為天子結怨於民母偏

毋頗其言當修先王正義以治民母有作好

毋頗其言當修先王正義以治民母有作好

毋頗其言當修先王正義以治民母有作好

毋頗其言當修先王正義以治民母有作好



相連之曰霧徐廣曰一日淡二日被索隱曰霧音蒙然蒙與

狀也曰霧霧亦通徐氏所見本涕作澳蒙作被義通而字

變曰克曰貞曰悔凡七卜五占之用二衍貞鄭玄

五占之用謂兩齊而分則之兆卦之名凡士龜用五易用二審

此道者乃立之也兩者兆之體氣如兩然也濟者如兩止之

雲氣在上者也圍者色澤而光明也霧者氣不釋鬱冥冥也

克者如侵氣之色相犯也內卦曰貞貞正也外卦

曰悔悔之言晦也晦猶終也卦象多變故言衍貞立時人

為卜筮鄭玄曰立是能分別兆三人占則從二人之

言鄭玄曰從其多者著龜女則有大疑謀及女心謀

及卿士謀及庶人謀及卜筮孔安國曰先盡謀慮女

則從龜從筮從卿士從庶民從是之謂大同孔

國曰大

同於吉而身其康彊而子孫其逢吉孔安國曰動不

也吉女則從龜從筮從卿士逆庶民逆吉卿士從

龜從筮從女則逆庶民逆吉庶民從龜從筮從

女則逆卿士逆吉鄭玄曰此三者女則從龜從筮逆

卿士逆庶民逆作內吉作外凶鄭玄曰此逆者多以

境外龜筮共違于人用靜吉用作凶孔安國曰安

動則凶鄭玄曰龜筮共違與人謀庶徵曰雨曰陽曰奧曰

寒曰風曰時孔安國曰雨以潤物陽以乾物爓以長物寒

五者來備各以其序庶草繁廡孔安國曰言五者備

木繁廡一極備凶一極亡凶孔安國曰一者備極過甚則

不時失叙曰休徵孔安國曰叙曰肅時雨若孔安國曰

時雨曰治時暘若孔安國曰君政曰知時奧若孔安國

則時風順之曰謀時寒若孔安國曰君能曰聖時風若孔安

國曰君能通理曰處徵孔安國曰叙曰狂常雨若孔安

則常雨順之曰僭常暘若孔安國曰君行僭曰舒常

奧若孔安國曰君行逸豫則常暘順之曰急常寒若孔安

則常寒順之曰霧常風若孔安國曰君行霧王青維

歲馬融曰言王者所生自卿士維月孔安國曰卿士各有師

尹維日孔安國曰眾正官之吏分歲日月時毋易孔安

各順百穀用成治用明孔安國曰歲月無易則百穀峻民

用章家用平康孔安國曰賢臣日月歲時既易百

穀用不成治用民昏不明峻民用微家用不寧庶

民維星孔安國曰星民象曰生有好風星有好雨馬融

星好風畢星好雨日月之行有冬有夏孔安國曰日月之月之

從星則以風雨孔安國曰月經下宜其則多風離于畢則五

福一曰壽二曰富三曰康寧鄭玄曰康四曰攸好

德孔安國曰所好五曰考終命孔安國曰各成其短長六

極一曰凶短折鄭玄曰未斲曰凶未斲曰短未斲曰折二

曰疾三曰憂四曰貧五曰惡孔安國曰六曰弱鄭玄

而不臣也其後箕子朝周過故殷虛感宮室毀

索隱曰朝鮮音朝

壞生禾黍箕子傷之欲哭則不可欲泣為其近

婦人素隱曰婦人之性多涕泣也乃作夾黍秀之詩以歌詠之其詩

曰麥秀漸漸兮禾黍油油素隱曰漸漸麥芒之狀音子廉反又依字讀油油者

也禾黍之苗光悅貌彼狡童兮不與我好兮所謂狡童者紂

王少周公旦代行政當國管蔡疑之乃與武庚

作亂欲襲成王周公徐廣曰一云欲龍衣成周周公既承成王

命誅武庚殺管叔放苒叔乃命微子開代殷後

奉其先祀作微子之命以申之國于宋世本曰宋

微子故能仁賢乃代武庚故殷之餘民甚戴愛

之微子開卒立其弟衍是為微仲禮記曰微子舍

也鄭玄曰微子適子死立其弟衍殺禮也。素隱曰家語微子弟仲思各衍一名泚。嗣微子為宋公。雖遷商易位而此衍不過其故故以舊官為稱故二微雖為宋公。猶微至子。階乃稱宋公也。

立素隱曰燕周云未謚故名之宋公稽卒子丁公申立丁公申卒

子潛公共立潛公共卒弟煬公熙立煬公即位

潛公子鮒祀弒煬公而自立徐廣曰鮒一作鮒。索隱曰鮒周亦作鮒。祀據

公卒子釐公舉立釐公十七年周厲王出奔彘

二十八年釐公卒子惠公嗣立呂忱曰嗣音右莧反惠公四

年周宣王即位三十年惠公卒子哀公立哀公

左氏即潛公庶子也。弒煬公。欲立太子弗父何。何讓不受。曰我當立。是為厲公。厲

左氏即潛公庶子也。弒煬公。欲立太子弗父何。何讓不受。曰我當立。是為厲公。厲

左氏即潛公庶子也。弒煬公。欲立太子弗父何。何讓不受。曰我當立。是為厲公。厲

元年卒子戴公立戴公二十九年周幽王為大  
戎所殺秦始皇列為諸侯二十四年戴公卒子武  
公司空立武公生女為魯惠公夫人生魯相公  
十八年武公卒子宣公力立宣公有太子與夷  
十九年宣公病讓其弟和曰父死子繼兄死弟  
及天下通義也我其立和和亦三讓而受之宣  
公卒弟和立是為穆公穆公九年病召大司馬  
孔父謂曰先君宣公舍太子與夷而立我我不  
敢忘我死必立與夷也孔父曰羣臣皆願立公  
子馮穆公曰毋立馮吾不可以負宣公於是穆

公使馮出居于鄭八月庚辰穆公卒兄宣公子  
與夷立是為殤公君子聞之曰宋宣公可謂知  
人矣立其弟以成義然卒其子復享之殤公元  
年衛公子州吁弑其君完自立欲得諸侯使告  
於宋曰馮在鄭必為亂可與我伐之宋許之與  
伐鄭至東門而還二年鄭伐宋以報東門之役  
其後諸侯數來侵伐九年大司馬孔父嘉妻好  
出道遇太宰華督服虔曰戴公之孫督說目而觀之服虔曰目  
者極視精不轉也督利孔父妻乃使人宣言國中曰殤公  
即位十年耳而十一戰賈逵曰一戰伐鄭圍其東門二戰取其禾三戰取邾田四

戰邾鄭伐宋入其郛五戰伐鄭圍長葛六戰鄭以王命伐宋  
七戰會敗宋師于菅八戰宋衛入鄭九戰伐戴十戰鄭入宋  
十一戰鄭伯以  
號師大敗宋

民苦不堪皆孔父為之我且殺孔  
父以寧民是歲魯弑其君隱公十年華督攻殺  
孔父取其妻殤公怒遂弑殤公而迎穆公子馮  
於鄭而立之是為莊公元年華督為相九  
年執鄭之祭仲要以立突為鄭君祭仲許竟立  
突十九年莊公卒子湣公捷立湣公七年齊相  
公即位九年宋水魯使臧文仲往平水賈逵曰問凶曰平  
湣公自罪曰寡人以不能事鬼神政不脩故水  
臧文仲善此言此言乃公子子魚教湣公也十

年夏宋伐魯戰於乘丘徐廣曰乘一作曠駟案杜預曰乘丘魯地魯生

虜宋南宮萬賈逵曰南宮氏萬名宋卿宋人請萬萬歸宋十一

年秋湣公與南宮萬獵因博爭行湣公怒辱之

曰始吾敬若今若魚虜也萬有力病此言遂以

局殺湣公于蒙澤賈逵曰蒙澤宋澤名也杜預曰宋地梁國有蒙縣大夫仇

牧聞之以兵造公門萬搏牧牧齒著門闔死何休

曰闔因殺太宰華督乃更立公子游為君諸公

子牛也蕭也公也子禦說牛也亳服虔曰蕭亳宋邑也杜預曰今沛國有蕭縣蒙縣西北有

萬弟南宮牛將兵圍亳冬蕭及宋之諸公

子共擊殺南宮牛弑宋新君游而立湣公弟禦

說是為相公宋萬犇陳宋人請以賂陳陳人使  
婦人飲之醇酒服虔曰宋萬多力勇不可執故先使婦人誘而飲之酒醉而縛之以革

裹之歸宋左傳曰以犀革裹之宋人醢萬也服虔曰醢肉醬相公三年

諸侯伐宋至郊而去三年齊相公治霸朝二十三

年迎衛公子燬於齊立之是為衛文公文公女

弟為相公夫人秦穆公即位三十年相公病太

子茲甫讓其庶兄目夷為嗣相公義太子意竟

不聽三十一年春相公卒太子茲甫立是為襄

公以其庶兄目夷為相未葬而齊相公會諸侯

于葵丘襄公往會襄公七年宋地震星如雨與

雨偕下

左傳曰隕石于六鵙退蜚宋五隕星也六鵙退蜚宋五隕星也

退飛索隱曰按僖十六年左傳霄石于宋王霄星也六鵙退

飛過宋都是當宋襄公之時訪內史叔興曰吉凶焉在對曰

君將得諸侯而不終也然莊十年傳又云日星不見夜中星

實如雨與雨偕也且與雨偕下自在別年不與霄石退鵙之

事同此史以霄石為雲星遂連相星不見之時與雨偕為文故與左傳小異也風疾也賈逵曰風

宋都高而疾故八年齊相公卒宋欲為盟會十二年

年春宋襄公為鹿上之盟杜預曰鹿上宋地汝陰有

原鹿其地在楚僖二十一年宋人楚人齊人盟于鹿上也是也

然襄公求諸侯於楚楚纒纒許之許未合至汝陰鹿上今濟陰

乘氏縣北有鹿城蓋此地也以求諸侯於楚楚人許之公子曰  
夷諫曰小國爭盟禍也不聽秋諸侯會宋公盟  
于孟杜預曰孟宋地日夷曰禍其在此乎君欲已甚何以

堪之於是楚執宋襄公以伐宋冬會于亳以釋  
宋公子魚曰禍猶未也十三年夏宋伐鄭子魚  
曰禍在此矣秋楚伐宋以救鄭襄公將戰子魚  
諫曰天之弃商久矣不可冬十一月襄公與楚  
成王戰于泓穀梁傳曰戰于泓水之上楚人未濟目夷曰彼眾  
我寡及其未濟擊之公不聽已濟未陳又曰可  
擊公曰待其已陳陳成宋人擊之宋師大敗襄  
公傷股國人皆死公曰君子不困人於阨不  
鼓不成列何休曰軍法以鼓戰以金止不鼓不戰也不成列未成陳子魚曰兵以勝  
為功何常言與徐廣曰一云尚何言與必如公言即奴事之

耳又何戰為楚成王已以救鄭鄭享之去而取鄭

二姬以歸索隱曰謂鄭大夫子氏姜氏之女既歸鄭故云二姬叔瞻曰成王無

禮正義曰謂取鄭二姬也其不沒乎為禮卒於無別有以知

其不遂霸也是年晉公子重耳過宋襄公以傷

於楚欲得晉援厚禮重耳以馬二十乘服虔曰八十四

四年夏襄公病傷於泓而竟卒索隱曰春秋戰于泓在僖二十二年重耳

過宋及襄公卒在二十四年人以此文以重耳過與傷泓廿歲故云是年又重耳過與宋襄公卒共是一歲則不合更云十四年是進退俱不合於左氏蓋太史公之疎耳子成公王臣立成公元年晉

文公即位三年倍楚盟親晉以有德於文公也

四年楚成王伐宋宋告急於晉五年晉文公救

四年楚成王伐宋宋告急於晉五年晉文公救

宋楚兵去九年晉文公卒十一年楚太子商臣

弒其父成王代立十六年秦穆公卒十七年成

公卒正義曰年表云公孫固殺成公成公弟禦殺太子及大司馬公

孫固正義曰世本云宋莊公孫各固為大司馬而自立為君宋人共殺君

禦而立成公少子杵臼正義曰年表云宋昭元年杵臼

子是為昭公昭公四年宋敗長翟緣斯於長丘

魯世家云宋武公之世獲緣斯於長丘今云此時未詳。索隱曰春秋文公十一年魯敗翟于咸獲長狄緣斯於長丘齊

系家惠公二年長翟來王子城父攻殺之此並取左傳之說

散於諸國系家今考其年歲亦頗相協而魯系家云武公世

年楚莊王即位九年昭公無道國人不附昭公

弟鮑革徐廣曰無革字賢而下士先襄公夫人欲通於

公子鮑不可昭公夫人周襄王之乃助之施於

國正義曰施貳是反襄夫人助因大夫華元為右師正義

曰公子華元鮑因請得為右師華元戴公五代孫華督之曾孫也昭公出獵夫人王姬

使衛伯攻殺昭公杵臼弟鮑革立是為文公文

公元年晉率諸侯伐宋責以弒君聞文公定立

乃去二年昭公公子因文公母弟須與武繆戴莊

栢之族為亂文公盡誅之出武繆之族賈逵曰出逐也四

年春鄭命楚伐宋宋使華元將鄭敗宋囚華元

華元之將戰殺羊以食士其御羊羹不及左傳曰御羊羹

也故怨馳入鄭軍故宋師敗得囚華元宋以兵車百乘文馬四百疋

賈逵曰文狸文也王肅曰文馬畫馬四伯四用牽車伯乘遺鄭贖華元也又云文馬赤鬣編身曰如黃金贖華元未盡入華

元二歸宋十四年楚莊王圍鄭鄭伯降楚楚復

釋之十六年楚使過宋宋有前仇執楚使九月

楚莊王圍宋十七年楚以圍宋五月不解宋城

中急無食華元乃夜私見楚將子反子反告莊

王王問城中何如曰析骨而炊何休曰析破人骨也易子而

食莊王曰誠哉言我軍亦有二日糧以信故遂

罷兵去二十二年文公卒子共公瑕立始厚葬

君子譏華元不臣矣共公元年華元善楚將子

重又善晉將欒書兩盟晉楚十二年共公卒華

元為右師魚石為左師司馬唐山攻殺太子肥

欲殺華元華元犇晉魚石止之至河乃還皇覽曰華元家

在陳留小黃縣城北誅唐山乃立共公少子成是為平公左傳

曰魚石犇楚平公三年楚共王拔宋之彭城以封宋左

師魚石四年諸侯共誅魚石而歸彭城於宋三

十五年楚公子圍弒其君自立為靈王四十四

年平公卒子元公佐立元公三年楚公子棄疾

弒靈王自立為平王八年宋火十年元公母信

詐殺諸公子。大夫華向氏作亂。楚平王太子建來奔。見諸華氏相攻亂。建去如鄭。十五年元公為魯昭公避季氏居外。為之求入魯。行道卒。子景公頭曼立。去不隱曰按曼立音萬景公十六年。魯陽虎來奔。已復去。二十五年。孔子過宋。宋司馬相雅惡之。欲殺孔子。孔子微服去。三十年。曹倍宋。又倍晉。宋伐曹。晉不救。遂滅曹。有之。正義曰宋景公滅曹在魯哀公八年。周敬王三年也。二十六年。齊田常弒簡公。三十七年。楚惠王滅陳。蔡惑守心。心宋之分野也。景公夢之。司星子韋曰。可移於相。景公曰。相。吾之股肱。曰。可移

於民。景公曰。君者待民。曰。可移於歲。景公曰。歲饑。民困。吾誰為君。子韋曰。天高聽卑。君有君人之言。三災惑宜有動。於是候之。果徙三度。六十四年。景公卒。宋公子特攻殺太子而自立。是為昭公。索隱曰特一作得。按左傳景公無子。取元公庶曾孫公孫周之子。得及啓。啓于公宮。及景公卒。先立啓。後立得。是為昭公。與此全乖。未知太史公據何為此說。昭公者。元公之曾庶孫也。昭公父公孫糾。糾父公子揣。秦。徐廣曰。揣音端。揣秦即元公少子也。景公殺昭公父糾。索隱曰。左傳云。名周。故昭公怨殺太子而自立。昭公四十七年卒。子悼公。購由立。徐廣曰。一云辟公。兵。索隱曰。紀年作恒。侯。壁。兵。則壁。兵。蓋相也。又莊子云。相侯行。未出城門。其前

卓公八年卒子休之 駒呼辟蒙人止之後為狂也可馬彪云呼辟使位 辟公三

年卒子剔成立年表云剔成君也○索隱曰王邵按剔

成四十一年剔成弟偃攻襲剔成剔成敗奔齊

偃自立為宋君君偃十一年自立為王索隱曰戰

春秋皆以 東敗齊取五城南敗楚取地三百里

西敗魏軍乃與齊魏為敵國盛血以韋囊縣而

射之命曰射天淫於酒婦人羣臣諫者輒射之

於是諸侯皆曰樂宋索隱曰言 宋其復為紂所為

不可不誅告齊伐宋王偃立四十七年齊湣王

魏楚伐宋殺王偃遂滅宋而三分其地

太史公曰孔子稱微子去之箕子為之奴比干

諫而死殷有三仁焉何晏曰按謂仁者愛人三人行本

在夏亂而寧民也夏侯玄曰微子仕之窮也箕子比干志之

弱也故或盡材而止或盡心而留皆其極也致極斯君子之

事矣是以三仁不 春秋譏宋之亂自宣公廢太子

而立弟公羊傳曰君子大居正 國以不寧者十世

主其大夫正考父美之故追道契湯高宗殷所

以興作商頌韓詩商頌章句亦美襄公○索隱曰今按

頌十二篇以那為首國語亦同此說今五篇存皆是商家祭

祀樂章非考父追作也又考父佐戴武宣則在襄公前且百 襄公既敗於泓而君子或以為

多公羊傳曰君子大其不鼓不成列臨大事而不忘傷

中國闕禮義喪之也禮義之舉遂不嘉宋襄之盛德大史公襄而述之故云襄之也宋襄之有禮讓也

索隱述贊曰

殷有三仁

不顧其身

卒傳家嗣

世載忠勤

傷泓之役

天之弃殷

微箕紂親

頌美有客

或叙彝倫

穆亦能讓

有君無臣

一囚一去

書稱作賓

微仲之後

實為知人

偃號桀宋

史肆阡冬伯單致字

註肆阡伍伯肆拾陸字

宋微子世家第八

史記三十八

晉世家第九

史記三十九

唐叔虞者周武王子而成王弟

索隱曰唐叔以夢及手文而名曰虞至成

王誅唐之後因戲荆桐而封之叔字也故曰唐叔虞而唐有晉水至于變改其國號曰晉侯然晉初封於唐故稱晉唐叔虞也且唐本堯後封在夏墟而都於鄂鄂今在大夏是也及成王滅唐之後又分洪之於許郟之間故春秋有唐成公是也即今之唐州者也初武王與叔虞母會時左傳曰邑姜方娠武王后齊太公女夢天謂武王曰余命女生子名虞余與

之唐及生子文在其手曰虞故遂因命之曰虞

武王崩成王立唐有亂

正義曰括地志云故唐城在絳州翼城縣西二十里即堯裔子

所封春秋云夏孔甲時有堯苗裔劉累者以豢龍事孔甲夏后嘉之賜氏御龍以更承韋之後龍一雌死潛醢之以食夏后既而使來之懼而遷於魯縣夏后召孟別封劉累之孫于大夏之墟為侯至周成王時唐人作亂成王滅之而封大叔

更遷唐人子孫于杜謂之杜伯即范馬所云在周為杜唐氏  
按魯縣汝州魯山縣是今隨州棗陽縣東南一百五十里止  
唐故城即後周子孫徙於唐

周公誅滅唐成王與叔虞戲削桐  
葉為珪以與叔虞曰以此封若史佚因請擇曰  
立叔虞成王曰吾與之戲耳史佚曰天子無戲  
言言則史書之禮成之樂歌之於是遂封叔虞

於唐唐在河汾之東方百里故曰唐叔虞

世本曰居鄂宋表曰鄂地今在大夏正義曰括地志云故鄂城在慈  
州昌寧縣東二里按與絳州夏縣相近禹都安邑故城在縣  
東北十五里故云在大夏也然封于河汾二水之  
東方百里正合在晉州平陽縣不合在鄂未詳

姓姬氏

字子于唐叔子燮是為晉侯

正義曰燮先隸反括地  
志云故唐城在并州晉  
陽縣北二里城記云堯築也國都城記云唐叔虞之子燮父  
徙居晉水傍今并理故唐城唐者即燮父初徙之處其城南

半入州城中削為坊城隘北半見在毛詩譜

是為武侯索隱曰系本作曼武侯之子服人是為成

侯成侯子福是為厲侯索隱曰系本作福厲侯子宜曰是

為靖侯靖侯已來年紀可推自唐叔至靖侯五

世無其年數靖侯十七年周厲王迷惑暴虐國

人作亂厲王出奔于彘大臣行政故曰共和正義

曰厲王奔彘周召和其  
百姓行政號曰共和十八年靖侯卒子釐侯司徒

立釐侯十四年周宣王初立十八年釐侯卒子

獻侯籍立索隱曰系本及  
譙周皆作蘇獻侯十一年卒子穆侯費

王立索隱曰蘇誦本作弗  
生或作費王並音秘穆侯四年取齊女姜氏為

夫人七年伐條生太子仇杜預曰條晉地十年伐千畝有

功杜預曰西河界休縣南有地名千畝生少子名曰成師杜預曰意取能成其眾也晉

人師服曰賈逵曰晉大夫異哉君之命子也太子曰仇仇

者讎也少子曰成師成師大號成之者也名自

命也物自定也今適庶名反逆此後晉其能毋

亂乎二十七年穆侯卒弟殤叔自立太子仇出

奔殤叔三年周宣王崩四年穆侯太子仇率其

徒襲殤叔而立是為文侯文侯十年周幽王無

道大戎殺幽王周東徙而秦襄公始列為諸侯

三十五年文侯仇卒子昭侯伯立昭侯元年封

文侯弟成師于曲沃索隱曰河東之縣名曲沃邑大

於翼翼晉君都邑也索隱曰翼本晉都自孝侯已下

是成師封曲沃號為相叔靖侯庶孫欒賓正義曰

欒叔賓相相叔相叔是時年五十八矣欒德晉國

之眾皆附焉君子曰晉之亂其在曲沃矣末大

於本而得民心不亂何待七年晉大臣潘父弑

其君昭侯而迎曲沃相叔相叔欲入晉晉人發

兵攻相叔相叔敗還歸曲沃晉人共立昭侯子

平為君是為孝侯誅潘父孝侯八年曲沃相叔

卒子鱣代相叔是為曲沃莊伯索隱曰鱣音時戰反又音善又音陟孝

侯十五年曲沃莊伯弑其君晉孝侯于翼晉人  
攻曲沃莊伯莊伯復入曲沃晉人復立孝侯子  
郟為君是為鄂侯索隱曰系本作郟而他本亦作都。正義音丘戟反鄂侯二  
年魯隱公初立鄂侯六年卒曲沃莊伯聞晉侯  
卒乃興兵伐晉周平王使虢公將兵伐曲沃莊  
伯莊伯走保曲沃晉人共立鄂侯子光是為哀  
侯哀侯二年曲沃莊伯卒子稱代莊伯立正義曰稱尺證  
反是為曲沃武公哀侯六年魯弑其君隱公哀  
侯八年晉侵陘廷賈逵曰翼南郟邑名陘廷與曲沃武公謀  
九年伐晉于汾旁正義曰白即反汾水之旁虜哀侯晉人乃立

哀侯子小子憇君是為小子侯禮記曰天子未除喪曰余小子生名之死

亦名之鄭玄曰晉有小子侯是取之天子也小子元年曲沃武公使韓萬

殺所虜晉哀侯賈逵曰韓萬曲沃相叔之子莊伯弟曲沃益彊晉無

如之何晉小子之四年曲沃武公誘召晉小子

殺之周相王王義曰馬融云周武王克商以虢仲封文王異母弟號仲於夏陽伐曲

沃武公武公之子曲沃乃立晉哀侯弟緡為晉

侯晉侯緡四年宋執鄭祭仲而立突為鄭君晉

侯十九年齊人管至父弑其君襄公晉侯二十

八年齊相公以霸曲沃武公伐晉侯緡滅之盡

以其寶器賂獻于周釐王釐王命曲沃武公為

晉君列為諸侯於是盡併晉地而有之曲沃武  
公已即位二十七年矣更號曰晉武公晉武公  
始都晉國前即位曲沃通年三十八年武公稱  
者先晉穆侯名百孫也索隱曰晉有兩穆  
族言先別後曲沃相叔孫  
也相叔者始封曲沃武公莊伯子也自相叔初  
封曲沃以至武公滅晉也凡六十七歲而卒代  
晉為諸侯武公代晉二歲卒與曲沃通年即位  
凡三十九年卒子獻公詭諸立獻公元年周  
惠王弟頹攻由心王惠王出奔居鄭之櫟邑索隱曰  
櫟鄭邑  
今河南陽翟是山故五年伐驪戎得驪姬韋昭曰西戎  
之別在驪山

也驪姬弟俱愛幸之八年士蒍說公賈逵曰士蒍  
為晉大夫曰

故晉之羣公子多不誅亂且起乃使盡殺諸公

子而城聚都之賈逵曰聚晉邑命曰絳始都絳索隱曰春秋  
莊二十六年

傳士蒍城絳是也杜預曰今平陽  
絳邑縣應劭曰絳水出西南也九年晉羣公子既云

奔號號以其故再伐晉弗克十年晉欲伐號士

蒍曰且待其亂十二年驪姬生奚齊獻公有意

廢太子乃曰曲沃吾先祖宗朝所在而蒲邊秦

屈邊翟韋昭曰蒲今蒲坂屈比屈皆在河  
東杜預曰蒲今平陽蒲子縣是也不使諸子居

之我懼焉於是使太子申生居曲沃公公子重耳

居蒲公子夷吾居屈獻公與驪姬子奚齊居絳

晉國以此知太子不立也。太子申生其母齊桓公女也。曰齊姜。早死。申生同母。女弟為秦穆公夫人。重耳。母翟之狐氏女也。夷吾。母重耳母女弟也。獻公子。八人。而太子申生。重耳。夷吾。皆有賢行。及得驪姬。乃遠此三子。十六年。晉獻公作二軍。左傳曰。王使虢公命曲沃伯。以一軍為晉侯。今始為二軍。公將上軍。太子申生將下軍。趙夙。御戎。畢萬為右。伐滅霍。滅魏。滅耿。服虔曰。三國皆姬姓。魏在晉之蒲坂。河東也。杜預曰。平陽皮氏縣東南。有耿鄉。永安縣東北。有霍太山也。索隱曰。按永安縣西南。分水。西有霍城。古霍國。有霍水。出霍太山。地理志。河東北。縣古魏國。地記亦以為然。服虔云。在蒲坂。非也。地記又曰。皮氏縣。汾水南。耿城是故耿國也。還為太子城。曲沃。賜趙夙。耿賜。

畢萬。魏以為大夫。士蒍曰。太子不得立矣。分之

都城。服虔曰。邑有先君之主曰都。而位以卿。賈逵曰。謂止。亦為之。極服

曰言其祿位。極盡於此。又安得立。不如逃之。無使罪至。為吳

太伯。不亦可乎。王肅曰。太伯知天命。猶有令名。王肅曰。其在王季。奔吳不反。雖去猶

可。有令名。何與其坐而及禍也。太子不從。卜偃曰。畢萬之後必大。賈

曰。卜偃。晉掌。卜大夫。郭偃。萬盈數也。魏大名也。服虔曰。數從一至萬。為滿。魏喻魏巍高大

也。以是始賞。天開之矣。服虔曰。以魏賞。甲子。天子曰。兆

民諸侯曰。萬民。今命之大。以從盈數。如其必有眾

杜預曰。以魏從。初畢萬。卜仕於晉國。遇屯之比。賈

萬有眾多之象。曰震下坎上屯。坤下坎。上比屯。初九變之比。辛廖占之曰吉。西貝達曰。辛

辛廖。晉大夫。屯固。

比入吉孰大焉杜預曰屯險難也所以得入其後必蕃

昌十七年晉侯使太子申生伐東山賈逵曰東山赤伙別種

里克諫獻公賈逵曰里克晉卿里季也曰太子奉冢祀社稷之

粢盛以朝夕視君膳者也服虔曰厨膳飲食故曰冢子君

行則守有守則從服虔曰有代太子守則從之從曰撫軍服虔曰助君撫

循軍守曰監國占之制也夫率師專行謀也杜預曰

曰率師者必專謀軍事誓軍旅杜預曰官號令君與國政之所圖也賈逵

曰國政正卿也非太子之事也師在制命而已杜預曰命將軍所制稟

命則不威專命則不孝故君之嗣適不可以帥

師君失其官杜預曰太子統師是失其官率師不威將安用之杜預

曰專命則不孝是為師必不威也公曰寡人有子未知其太子誰也

里克不對而退見太子太子曰吾其發乎里克

曰太子勉之教以軍旅賈逵曰將下軍不共是懼何故發

乎且子懼不孝母懼不得立服虔曰不得立已脩己而不

責人則免於難太子帥師公衣之偏衣服虔曰偏祭之衣偏

異色駭不純叔衣在中左右異故曰偏衣杜預曰偏衣涅右異色其半似公服韋昭曰偏半也分身之半以授太子正義

曰上不去聲佩之金玦服虔曰以金為玦也韋昭曰金玦兵要也正義曰玦音決里

克謝病不從太子太子遂伐東山十九年獻公

曰始吾先君莊伯武公之誅晉亂而號常助晉

伐我正義曰言號助晉伐曲沃也又匿晉云公子果為亂弗誅後

時本不從下首一太子字

遺子孫憂乃使荀息以屈產之乘

何休曰屈產出  
名馬之地乘備

也。假道於虞虞假道遂伐虢

賈逵曰虞在晉  
南虢在虞南

取其

下陽以歸

服虔曰下夏陽虢邑在太  
陽東北三

獻公私

謂驪姬曰吾欲廢太子以奚齊代之驪姬泣曰

太子之立諸侯皆已知之而數將兵百姓附之

奈何以賤妾之故廢適立庶君必行之妾自殺

也驪姬詳譽太子而陰令人譖惡太子而欲立

其子二十一年驪姬謂太子曰君夢見齊姜太

子速祭曲沃服虔曰齊  
姜廟所在歸釐於君太子於是祭其

母齊姜於曲沃上其薦胙於獻公獻公時出獵

置胙於宮中驪姬使人置毒藥胙中居二日

六日獻公孫猶來還宰人上胙獻公獻公欲饗

之驪姬從傍止之曰胙所從來遠宜試之祭地

地墳韋昭曰將欲先祭  
示有先也墳起也與犬死與小臣小臣死

殺代之况他人乎且君老矣日暮之人曾不能

待而欲殺之謂獻公曰太子所以然者不過以

妾及奚齊之故妾願子母辟之他國若早自殺

母徒使母子為太子所魚肉也始君欲廢之妾

猶恨之至於少妾殊自失於此

索隱曰太子之行如  
此妾則見君欲廢而

恨之今乃自  
以恨為失也  
太子丁聞之奔新城  
韋昭曰新城曲沃也新為太子城  
獻公

怒乃誅其傅  
狂原欵或謂太子曰為  
此藥者乃

驪姬也太子何不自  
辭明之太子曰吾君  
老矣

非驪姬寢不安食不  
甘即辭之君且怒之  
不可

或謂太子曰早以奔  
他國太子曰被此惡  
名以出

人誰內我我自殺耳  
十二月戊申申生自  
殺於

新城  
索隱曰國語云申生乃難於新城廟  
此時重耳夷吾來朝人或告

驪姬曰二公子死怨  
驪姬譖殺太子驪姬  
恐因譖

二公子申生之藥肱  
二公子知之二子聞  
之恐

重耳走蒲夷吾走屈  
保其城自備守初獻  
公使

士蒍為為  
正義曰蒍為為詭反為于偽反  
二公子築蒲屈城弗就夷

吾以告公公怒士蒍  
為為謝曰邊城少寇  
安用

之退而歌曰狐裘蒙  
茸一國二公吾誰適  
從  
服

亦歸保其城二十二  
年獻公怒二子不辭  
而去

果有謀矣乃使兵伐  
蒲蒲人之官者勃鞞  
正義曰勃

命重耳促自殺重耳  
勃鞞之字也於丈公時為勃鞞也  
重耳遂奔翟使人

踰垣官者追斬其衣  
袂  
服也曰袂袂也  
重耳遂奔翟使人

伐屈屈城守不可下  
是歲也晉復假道於  
虞以

伐虢虞之大夫宮之  
奇諫虞丑晉不可假  
道

白汝反鞞都提反韋昭云伯林楚寺  
人勃之字也於丈公時為勃鞞也

也是且滅虞虞君曰晉我同姓不宜伐我宮之  
奇曰太伯虞仲太王之子也太伯云去是以不  
嗣號仲號叔王季之子也為王主卿士其記勳  
在王室藏於盟府杜預曰盟府將號是滅何愛于  
虞且虞之親能親於相莊之族乎相莊之族何  
罪盡滅之虞之與號胥之與齒胥亡則齒寒虞  
公不聽遂許晉宮之奇以其族去虞其冬晉滅  
號號公醜奔周皇覽曰號公冢在河南溫縣東還  
龍衣滅虞虜虞公及其大夫井伯百里奚正義曰南  
百里奚宋井伯奚人也以媵秦穆姬杜預曰穆姬獻公女而修虞

祀服虔曰虞所荀息率曩所遺虞屈產之乘馬奉

之獻公獻八矣曰馬則吾馬齒亦老矣公羊傳曰

何休曰以馬齒戲二十二年獻公遂發賈華等伐屈

不可韋昭曰與重耳已在矣今往晉必移兵伐翟

翟畏晉禍且及不如走梁梁近於秦秦疆吾君

百歲後可以求入焉遂奔梁二十五年晉伐翟

翟以重耳故亦擊晉於齧桑左傳作采桑服虔曰翟

傳作采桑按今平陽曲南七十里河水有采桑津是晉境

服虔云翟地亦頗相近然字作齧桑齧桑衛地恐非也晉

兵解而去當此時晉疆西有河西與秦接境北

邊翟東至河內

索隱曰河內何曲也內音納

驪姬弟生悼子

索隱

曰左傳作卓子音耻角反弟女弟也

二十六年夏齊相公大會諸侯於

葵丘

正義曰在曹州考城縣東南一里

晉獻公病行後未至逢周之

宰孔宰孔曰齊相公益驕不務德而務遠略諸

侯弗平君第母會

索隱曰第但也

母如晉何獻公亦病復

還歸病甚乃謂荀息曰吾以奚齊為後年少諸

大臣不服恐亂起子能立之乎荀息曰能獻公

曰何以為驗對曰使死者復生生者不慙為之

驗索隱曰謂荀息受公命而立奚齊雖復身死不肯生時之

驗命是謂死者復生也言生者見荀息不肯君命而死不為慙也於是遂屬奚齊於荀息荀息為相主國政

秋九月獻公卒里克邳鄭欲內重耳以三公子

之徒作亂

賈逵曰邳鄭晉大夫三公子申生重耳夷吾

謂荀息曰三怨將

起秦晉輔之子將何如荀息曰吾不可負先君

言十月里克殺奚齊于喪次獻公未葬也荀息

將死之或曰不如立奚齊弟悼子而傳之荀息

立悼子而葬獻公十一月里克弒悼子于朝

列女

傳曰鞭殺驪姬于市

荀息死之君子曰詩所謂白珪之玷猶

可磨也斯言之玷不可為也

杜預曰詩大雅言此言之缺難治甚於白珪

其荀息之謂乎不負其言初獻公將伐驪戎卜

曰齒牙為禍

韋昭曰齒牙謂北端左右鬣折有似齒牙中有縱畫以象讒言之為害也

及破

驪戎獲驪姬愛之竟以亂晉里克等已殺奚齊

悼子使人迎公子重耳於翟正義曰國語云里克及

子重耳於翟曰國亂民擾得國在亂治民在擾子盍入乎欲立之重耳謝曰負父之

命正義曰負音佩出奔父死不得脩人子之禮侍喪重耳

何敢入大夫其更立他子還報里克里克使迎

夷吾於梁夷吾欲往呂省正義曰省音昔杜預云

芮正義曰郟成子即董芮曰內猶有公子可立者而外求難

信計非之秦輔彊國之威以入恐危乃使卻芮

厚賂秦約曰即得入請以晉河西之地與秦乃

遺里克書曰誠得立請遂封子於汾陽之邑賈逵

曰汾水名汾陽晉地也○索隱曰國語云命里克汾陽之田百萬命丕鄭以負蔡之田七十萬今此不言亦踈略也秦

穆公乃發兵送夷吾於晉齊桓公聞晉內亂亦

率諸侯如晉秦兵與夷吾亦至晉齊乃使隰朋

會秦俱入夷吾立為晉君是為惠公齊桓公至

晉見高梁而還歸惠公夷吾元年使邲鄭謝秦

曰始夷吾以河西地許君今幸得入立大臣曰

地者先君之地君亡在外何以得擅許秦者寡

人爭之弗能得故謝秦亦不與里克汾陽邑而

奪之權四月周襄王使周公忌父賈逵曰周卿士會齊秦

大夫共禮晉惠公惠公以重耳在外畏里克為

變賜里克死謂曰微里子寡人不得立雖然子亦殺二君一大夫服虔曰奚齊悼子荀息也為子君者不亦難乎里克對曰不有所廢君何以興欲誅之其無辭乎乃言為此臣聞命矣遂伏劍而死於是邳鄭使謝秦未還故不及難晉君改葬恭太子申生韋昭曰獻公時申生葬不如禮故改葬之秋狐突之下國服虔曰晉所滅國在絳下故曰下國也遇申生申生與載而告之杜預曰忽如夢而相見狐突本為甲生御故復使登車曰夷吾無禮余得請於帝服虔曰帝天將以晉與秦秦將祀余狐突對曰臣聞神不食非其宗君其祀母乃絕乎君其圖之

申生曰諾吾將復請焉左傳曰後十日七日新城西

偏將有巫者見我焉杜預曰將因巫以見許之遂不見杜預曰狐突許其言申生之象亦沒及期而往復見申生告之曰帝許罰

有罪矣弊於韓賈逵曰敝力敗也韓晉語韓原兒乃謠曰恭太子更

葬矣索隱曰更改也後十四年晉亦不昌昌乃在

兄邳鄭使秦聞里克誅乃說秦繆公曰呂省卻

稱冀芮實為不從杜預曰三子晉大夫不從不與秦若賂也索隱曰呂省左傳作呂甥若

重賂與謀出晉君入重耳事必就秦繆公許之

使人與歸報晉厚賂三子三子曰幣厚言甘此

必邳鄭賣我於秦遂殺邳鄭及里克邳鄭之黨

七輿大夫韋昭曰七輿申生下軍之眾大夫也杜預曰侯伯七命副車七乘邳鄭子豹

奔秦言伐晉繆公弗聽惠公之立倍秦地及里

克誅七輿大夫國人不附二年周使召公過昭

曰召武公禮晉惠八公惠八公禮倨索隱曰謂受玉情為王卿士禮晉惠八公惠八公禮倨也事見僖十一年召公

譏之四年晉饑乞糴於秦繆公問百里奚秦大夫

百里奚曰天菑流行國家代有救菑恤鄰國之

道也與之邳鄭子豹曰伐之繆公曰其君是惡

其民何罪卒與粟自雍蜀絳五年秦饑請糴於

晉晉君謀之慶鄭曰杜預曰慶鄭晉大夫以秦得立已而倍

其地約晉饑而秦貸我今秦饑請糴與之何疑

而謀之號射曰服虔曰號射惠公舅往年天以晉賜秦秦弗

知取而貸我今天以秦賜晉晉其可以逆天乎

遂伐之惠公用號射謀不與秦粟而發兵且伐

秦秦大怒亦發兵伐晉六年春秦穆公將兵伐

晉晉惠公謂慶鄭曰秦師深矣韋昭曰深入境一曰深尤重柰

何鄭曰秦內君君倍其賂晉饑秦輸粟秦饑而

晉倍之乃欲因其饑伐之其深不亦宜乎晉卜

御右慶鄭皆吉公曰鄭不孫服虔曰孫順乃更令步陽

御戎家僕徒為右服虔曰二子晉大夫也進兵九月壬戌秦

穆公晉惠公合戰韓原索隱曰在馮翊夏陽北二十里今之韓城縣是惠公

馬驚馬不行索隱曰驚音竹二反謂馬重而陷之於泥秦兵至八塞君召慶鄭

為御鄭曰不用上敗不亦當乎遂去更令梁繇

靡御正義曰韋昭云號射為右輅秦穆公服虔曰輅

隱曰輅音五稼反繆公壯士冒敗晉軍晉軍敗遂

失秦繆公反獲晉公以歸秦將以祀上帝晉君

姊為繆公夫人衰經涕泣公曰得晉侯將以為

樂今乃如此且吾聞箕子見唐叔之初封曰其

後必當大矣晉庸可滅乎乃與晉侯盟王城杜

曰馬城臨晉而許之歸晉侯亦使呂省等報國人

曰孤雖得歸母面目見社稷卜田立子圉晉人

聞之皆哭去余繆公問呂省晉國和乎對曰不和

小人懼失君亡親正義曰君惠公公也親父母也言懼失

不憚立子圉曰必報讎寧事戎狄正義曰小人言

後必報秦終不事秦寧事戎狄耳其君子則愛君而知罪以待秦命

曰必報德有此二故不和於是秦繆公更舍晉

惠公餽之七牢正義曰餽音置一牛一羊一豕為一牢十一月歸晉侯

晉侯至國誅慶鄭修政教謀曰重耳在外諸侯

多利內之欲使人殺重耳於狄重耳聞之如齊

八年使太子圉質秦正義曰質音致初惠公亡在梁梁伯

以其女妻之生一男一女梁伯卜之男為人臣

女為人妾故名男為圉女為妾

服虔曰圉人掌養馬臣之賤者不聘

曰十年秦滅梁梁伯好士功治城溝

賈逵曰溝塹也民力

罷

正義曰音皮

怨其眾數相驚曰秦寇至民恐惑秦竟

滅之十三年晉惠公病內有數子太子圉曰吾

母家在梁梁今秦滅之我外輕於秦而內無援

於國君即不起病大夫輕更立他公子乃謀與

其妻俱亡歸秦女曰子一國太子辱在此秦使

婢子侍

服虔曰曲禮云世婦以下自稱婢子婦人之卑稱

以固子之心子

云矣我不從子亦不敢言子圉遂亡歸晉十四

年九月惠公卒太子圉立是為懷公子圉之亡

秦然之乃求公子重耳欲內之子圉之立畏秦

之伐也乃令國中諸從重耳亡者與期期盡不

到者盡滅其家狐突之子毛及偃從重耳在秦

弗肯召懷公怒囚狐突突曰臣子事重耳有年

數矣今召之是教之反君也何以教之懷公卒

殺狐突秦繆公乃發兵送內重耳使人告欒郤

之黨

正義曰欒郤之屬

為內應殺懷公於高梁入重耳

重耳立是為文公晉文公重耳晉獻公之子也

自少好士年十七有賢士五人曰趙衰狐偃咎

犯文公舅也賈佗先軫魏武子自獻公為太子

時重耳固已成人矣。獻公即位，重耳年二十一。獻公十三年，以驪姬故，重耳備蒲城守秦。獻公二十一年，獻公殺太子申生，驪姬讒之，恐不辭。獻公而守蒲城。獻公二十二年，獻公使官者履鞮趣殺重耳。索隱曰：履鞮，即左傳之鞮。鞮，亦曰鞮，人披也。重耳踰垣，官者逐斬其衣社。重耳遂奔狄，狄其母國也。是時重耳年四十二，從此五士其餘不名者數十人至狄。狄伐冬，索隱曰：赤狄之別，隗姓。索隱曰：各得二女以長女妻重耳，生伯儵。直詔反叔劉以少女妻趙衰，生盾。索隱曰：左傳云：伐虜，必如獲其二女，以叔隗妻趙衰，生盾。公子取季隗，生伯儵，叔劉則叔隗長。

而季隗少乃不同也

居狄五歲而晉獻公卒，里克已殺奚齊。

悼子乃使人迎，欲立重耳。重耳畏殺，因固謝不

敢入。已而晉更迎其弟夷吾立之，是為惠公。惠

公七年，畏重耳，乃使官者履鞮與壯士欲殺重

耳。重耳聞之，乃謀趙衰等曰：始吾奔狄，非以為

可用。興索隱曰：興起也。非翟以近易通，故且休足，休

足久矣。固願徙之大國。夫齊桓公好善，志在霸

王，收恤諸侯。今聞管仲隰朋死，此亦欲得賢佐。

盍往乎？於是遂行。重耳謂其妻曰：待我二十五

年不來，乃嫁其妻。笑曰：犁二十五年。索隱曰：犁猶

比也。正義

曰杜預云言將死入木也不復成嫁也吾冢上柏大矣雖然妾待子重

耳居狄凡十二年而去過衛衛文公不禮去過

五鹿賈逵曰衛地杜預曰今衛縣西北有五鹿地名五鹿平陽元城縣東亦有五鹿飢而從野人

乞食野人盛土器中進之重耳怒趙衰曰土者

有土也君其拜受之至齊齊相公厚禮而以宗

女妻之有馬二十乘重耳安之重耳至齊二歲

而相公卒會堅刀等為內亂齊孝公之立諸侯

兵數至留齊凡五歲重耳愛齊女母去心趙衰

咎犯乃於桑下謀行齊女侍者在桑上聞之以

告其主其主乃殺侍者服虔曰懼孝公怒故殺之以滅口勸重耳趣

行重耳曰人生安樂孰知其他必死於此徐廣曰

生一世必死於此不能去齊女曰子一國公子窮而來此

數士者以子為命子不疾反國報勞臣而懷女

德竊為子羞之且不求何時得功乃與趙衰等

謀醉重耳載以行行遠而覺重耳大怒引戈欲

殺咎犯咎犯曰殺臣成子偃之願也重耳曰事

不成我食舅氏之肉咎犯曰事不成犯肉腥臊

何足食乃止遂行過曹曹共公不禮欲觀重耳

駢脇曹大夫整廬負羈曰晉公子賢又同姓窮來

過我柰何不禮共公不從其謀負羈乃私饋重

耳食置璧其下重耳受其食還其璧去過宋宋  
襄公新困兵於楚傷於泓聞重耳賢乃以國禮  
禮於重耳索隱曰以國君之禮禮之也宋司馬公孫固善於咎犯  
曰宋小國新困不足以求入更之大國乃去過  
鄭鄭文公弗禮鄭叔瞻諫其君曰晉公子賢而  
其從者皆國相且又同姓鄭之出自厲王而晉  
之出自武王鄭君曰諸侯亡公子過此者衆安  
可盡禮叔瞻曰君不禮不如殺之且後為國患  
鄭君不聽重耳去之楚楚成王以適諸侯禮待  
之索隱曰適音敵重耳謝不敢當趙衰曰子亡在外十餘

年小國輕子况大國乎今楚大國而固遇子子  
其毋讓此天開子也遂以安禮見之成王厚遇  
重耳重耳甚卑成王曰子即反國何以報寡人  
重耳曰羽毛齒角玉帛君王所餘未知所以報  
王曰雖然何以報不穀重耳曰即不得已與君  
王以兵車會平原廣澤請辟玉三舍賈逵曰司馬法從避不過  
三舍三舍九十里也楚將子玉怒曰王遇晉公子至厚今重  
耳言不孫請殺之成王曰晉公子賢而困於外  
以從者皆國器此天所置庸可殺乎且言何以  
易之索隱曰子玉請殺重耳楚成王不許言人之出言不可輕易之也居楚數月而晉

太子圉亡秦秦怨之聞重耳在楚乃召之成王  
曰楚遠更數國乃至晉秦晉接境秦君賢子其  
勉行厚送重耳重耳至秦繆公以宗女五人妻  
重耳故子圉妻與往重耳不欲受司空季子曰晉臣  
曰季也曰其國且伐况其故妻乎且受以結秦親  
而求入子乃拘小禮忘大醜乎遂受繆公大歡  
與重耳飲趙衰歌采芣苢詩韋昭曰詩云芣苢繆公  
曰知子欲急反國矣趙衰與重耳下再拜曰孤  
臣之仰君如百穀之望時雨是時晉晁公卒四  
年秋惠公以九月卒子圉立十一月薨惠公卒

二月晉國大夫欒郤等聞重耳在秦皆陰來勸  
重耳趙衰等反國為內應其眾於是秦繆公乃  
發兵與重耳歸晉晉聞秦兵來亦發兵拒之然  
皆陰知公子重耳入也唯惠公之故貴臣呂卻  
之屬正義曰呂不欲立重耳里耳出云凡十九歲  
而得入時年六十二矣晉人多附焉文公元年  
春秦送重耳至河咎犯曰曰從君周旋天下過  
亦多矣臣猶知之况於君乎請從此去矣重耳  
曰若反國所不與子犯共者河伯視之索隱曰視  
乃投璧河中以與子犯盟是時介子推從在舡

中乃笑曰天實開公予而子犯以為己功而要

市於君固足羞也吾不忍與同位乃自隱渡河

秦兵圍令狐晉軍于廬柳韋昭曰廬柳晉地名二月辛丑咎

犯與秦晉大夫明於郇杜預曰解縣西北有郇城索

于武宮賈逵曰文公之祖武公廟也即位為晉君是為文公羣

臣皆往懷公圍奔高梁戊申使人殺懷公懷公

故大臣呂省卻芮本不附又公文公立恐誅乃

欲與其徒謀燒公宮殺文公文公不知始嘗欲

殺文公文公者履鞮知其謀欲以告文公文公解前罪

求見文公文公不見使人讓曰蒲城之事女斬

予祛其後我從狄君獵女為惠公來求殺我惠

公與女期三日至而女一日至何速也女其念

之宦者曰臣刀鋸之餘不敢以二心事君倍主

故得罪於君君已反國其毋蒲翟乎且管仲射

鉤桓公以霸今刑餘之人以事告而君不見禍

又且及矣於是見之遂以呂卻等告文公文公

欲召呂卻呂卻等黨多文公恐初入國國人賣

已乃為微行會秦繆公於玉城索隱曰杜預云馮翊

今名武鄉城國人莫知三月己丑呂卻等果反焚公宮

不得文公文文公之衛徒與戰呂卻等引兵欲奔秦繆公誘呂卻等殺之河上晉國復而文公得歸夏迎夫人於秦秦所與文公妻者卒為夫人秦送三千人為衛以備晉亂文公修政施惠百姓賞從亡者及功臣大者封邑小者尊爵未盡行賞周襄王以弟帶難出居鄭地來告急晉晉初定欲發兵恐他亂起是以賞從亡未至隱者介子推推亦不言祿祿亦不及推曰獻公公子九人唯君在矣惠懷無親外內奔之天未絕晉必將有主主晉祀者非君而誰天實開之二三子

以為已力不亦誣乎竊人之財猶曰是盜况貪

天之功以為已力乎下冒其罪上賞其效上下

相蒙服虔曰蒙欺也難與處至其母曰盍亦求之以死

誰對推曰尤而效之罪有甚焉且出然言不食

其祿母曰亦使知之若何對曰言身之文也身

欲隱安用文之文之是求顯也其母曰能如此

乎與女偕隱至死不復見介子推從者憐之乃

懸書宮門曰龍欲上天五蛇為輔索隱曰龍喻重耳五蛇即五臣

狐偃趙衰魏武子司空季子乃介子推也舊云五臣有先軫顛頡今恐二人非其數龍已升西蛇

各入其字一蛇獨然然不見處所文公出見其

書曰此介子推也吾方憂王室未圖其功使人  
召之則亡遂求所在聞其入縣上山中賈逵曰縣  
上晉地杜

預曰西河介休縣  
南有地名縣上於是文公環縣上山中而封之以  
為介推田徐廣曰  
一作國號曰介山以記吾過且旌善人

賈逵曰  
旌表也從亡賤臣壺叔曰君三行賞賞不及臣敢  
請罪文公報曰夫導我以仁義防我以德惠此

受上賞輔我以行卒以成立此受次賞矣石之  
難汗馬之勞此復受次賞若以力事我而無補

吾缺者此受次賞三賞之後故且及子晉人聞  
之皆說二年春秦軍河上將入王索隱曰河  
上晉地趙衰

曰求霸莫如入王尊周周晉同姓晉不先入王  
後秦入之母以令于天下力今尊王晉之資也

三月甲辰晉乃發兵至陽樊服虔曰陽樊周地陽邑  
名也樊仲山之所居故樊圍温入襄王于周四月殺王弟帶周襄王賜

晉河內陽樊之地四年楚成王及諸侯圍宋宋  
公孫固如晉告急先軫曰報施定霸於今在矣

杜預曰報宋  
贈馬之施狐偃曰楚新得曹而初婚於衛若伐  
曹衛楚必救之則宋免矣於是晉作三軍王肅曰  
始復成

國之禮半  
周軍也趙衰舉卻縠將中軍卻臻佐之使狐偃  
將上軍狐毛佐之命趙衰為卿欒枝將下軍賈  
逵

曰欒枝欒 先軫佐之荀林父御戎魏驪生為右正義曰驪

賓之孫又音受 往伐冬十二月晉兵先下山東而以原封

趙衰杜預曰河內沁水縣西北有原城五年春晉文公欲伐曹假道

於衛衛人弗許還自河南密陵侵曹伐衛正月取

五鹿二月晉侯齊侯盟于杜預曰衛地也衛侯請盟

晉晉人不許衛侯欲與楚國人不欲故出其君

以說晉衛侯居襄牛服虔曰衛地也公子買守衛楚救衛

不卒徐廣曰一作勝晉侯圍曹二月丙午晉師入曹數之

以其不用釐負羈言而用之夫女乘軒者三百人

也今軍母入僂負羈宗家以報德楚圍宋宋復

告急晉文公欲救則攻楚為楚嘗有德不欲伐

也欲釋宋宋又嘗有德於晉患之索隱曰晉若攻楚則傷楚子送

其入秦之德又欲釋宋不救乃處宋先軫曰執曹伯分

曹衛地以與宋楚急曹衛其勢宜釋宋索隱曰楚

新婚於衛今晉執曹伯而分曹地則之於是文公從之而

楚成王乃引兵歸楚將子玉曰王遇晉至厚今

知楚急曹衛而故伐之是輕王王曰晉侯亡在

外十九年困日久矣果得反國險阨盡知之能

用其民天之所開不可當子玉請曰非敢必有

功願以間執讒慝之口也服虔曰子玉非敢求有大功但欲執為賈讒慝之口

謂子玉過三百乘不能入也杜預曰執猶塞也楚王怒少與之兵於是子玉

使宛春告晉賈逵曰宛春楚大夫請復衛侯而封曹臣亦釋

宋咎犯曰子玉無禮矣君取一臣取二勿許昭韋

言定三國子一言而亡之我則毋禮不許楚是

弃宋也不如私許曹衛以誘之執宛春以怒楚

春於衛且私許復曹衛曹衛告絕於楚楚得臣

怒得臣即子玉擊晉師晉師退電吏曰為何退文公曰

昔在楚約退三舍可倍乎楚師欲去得臣不肯

四月戊辰宋公齊將秦將與晉侯次城濮賈逵

敗得臣收餘兵去甲午晉師還至衡雍杜預曰衡

作王宮于踐土服虔曰既敗楚師襄王自往臨踐

侯與鄭伯盟五月丁未獻楚俘於周正義曰俘

介百乘徒兵千服虔曰駟介駟馬被天子使王子虎

命晉侯為伯賈逵曰王子虎周大夫賜大輅彤弓矢百茲弓

矢千賈逵曰大輅金輅彤弓赤茲弓黑也諸侯賜桓

正義曰彤徒冬反茲音盧

地也。索隱曰宋公成公王臣

齊將國歸父秦將小子憖也

榮陽卷

縣也

索隱曰杜預云踐土鄭地然據此文晉師還至衡雍

在河南也故劉氏云踐土在河南下文踐土在河北今元城

驛義或然也

貞珪瓊

賈逵曰：秬黑黍，鬯香酒也。所以降神。貞器名。諸侯賜珪瓊，然後為鬯。

虎賁三百人

賈逵曰：天子卒曰虎賁。

晉侯三辭，然後稽首受之。

賈逵曰：稽首，首自至地。

周

作晉文侯命王若曰：父義和

孔安國曰：同姓，故稱曰父。馬融曰：王順曰：父能

以義和我諸侯。索隱曰：尚書文侯之命是平王命晉文侯之語。今此乃是襄王命文公重耳之事。代數懸隔，動策全

與太史公雖復，亦縫左氏而系家。雖亦時有踈謬。裴氏集解亦引孔馬之注，而都不言時代。乖角何習迷，而同醉也。然計

平王至襄王為七代，仇至重耳為十一代，而十三侯又平王元年至魯僖二十八年當襄二十年為一百三十餘歲矣。學

者頗合。討論之，劉伯莊以為蓋天子命晉同此一辭，尤為非也。

不顯文武能慎明德

孔安國曰：惟以是故集恤

維時上帝集厥命于文武

成其王命，德流于孫。

朕身繼予一人，永其在位。

孔安國曰：當憂念我身，則我一人長安在位。

是晉文公稱伯矣。天子虎盟諸侯於王庭

服

曰：王庭，踐土也。索隱曰：服氏知王庭是踐土者，據二十八年五月公會晉侯盟于踐土。又此文四月甲午作王宮下

踐土王庭也。晉焚楚軍，數日不息。文公歎左右曰：

勝楚而君猶憂，何也？公曰：吾聞能戰勝安者，唯

聖人。是以懼。且子玉猶在庸，可喜乎？子玉之敗

而歸，楚成王怒其不用其言，貪與晉戰，讓責子

玉。子玉自殺。晉文公曰：我擊其外，楚誅其內，內

外相應，於是乃喜。六月，晉人復入衛侯。壬午，晉

度河北歸國，行賞。孫偃為首。或曰：城濮之事，先

軫之謀。文公曰：城濮之事，偃說我，毋失信。先軫

曰軍事勝為右五品受之以勝然此一時之說偃  
言萬世之功奈何以一時之利而加萬世功乎  
是以先之冬晉侯會諸侯於温欲率之朝周力  
未能恐其有畔者乃使人言周襄王狩于河陽  
壬申遂率諸侯朝于踐土索隱曰左氏五月盟于  
踐土冬會諸侯于温天  
王狩於河陽壬申公朝於王所此文亦說冬朝于孔子讀  
王當合於河陽温地不合取五月踐土之文也史記至文公曰諸侯無召王王狩河陽著春秋  
諱之也丁丑諸侯圍許曹伯臣或說晉侯曰齊  
桓公合諸侯而國異不姓今君為會而滅同姓曹  
叔振鐸之後晉唐叔之後合諸侯而滅兄弟非

禮晉侯說復曹伯於服虔曰辟天是晉始作三行十六軍故謂

之三荀林父將中行先穀將右行索隱曰左傳序擊

先蔑將左行杜預曰三行無佐疑大夫帥也口索隱曰按

置古者當山避天子也或新置三行官未備耳七年晉文公秦穆公共圍鄭

以其無禮於文公亡過時及城濮時鄭助楚也

圍鄭欲得叔瞻叔瞻聞之自殺鄭持叔瞻告晉

晉曰必得鄭君而甘心焉鄭恐乃間令使謂秦

穆公曰索隱曰使謂鄭厚晉於晉得矣而秦未

為利君何不解鄭得為東道交索隱曰交猶好也諸

秦伯說罷兵晉亦罷兵九年冬晉文公卒子襄

公歡立是歲鄭伯亦卒鄭人或賣其國於秦正義

曰左傳云秦晉伐鄭燭之小武說秦師罷令杞子逢孫楊孫三大夫戍鄭杞子自鄭使告於秦曰鄭人使我掌其北門之管若替師以來國可得也秦繆公發兵往襲鄭十二月秦兵過

我郊襄公元年春秦師過周無禮王孫滿譏之

兵至滑鄭賈人弦高將市于周遇之以十二牛

勞秦師秦師驚而還滅滑而去晉先軫曰秦伯

不用蹇叔反其衆心此可擊欒枝曰未報先君

施於秦擊之不可先軫曰秦侮吾孤伐吾同姓

何德之報遂擊之垂公墨衰經賈逵曰墨變凶杜預曰以凶服從戎

故墨四月敗秦師于殽虜秦三將孟明視西乞穉

白乙丙以歸遂墨以葬公服虔曰非禮也杜預曰記禮所由變也文

公夫人秦女謂襄公曰秦欲得其三將戮之公

許遣之先軫聞之謂襄公曰患生矣軫乃追秦

將秦將渡河已在舟中頓首謝卒不反後三年

秦果使孟明伐晉報殽之敗取晉曰汪以歸索隱曰左

氏傳文公二年秦孟明視伐晉報殽之役無取晉汪之事又其年冬晉先且居等伐秦取汪以出衙而還則汪是秦邑止可

晉伐秦取之豈得秦伐晉而取汪也或者晉先取之秦今伐晉而取汪是汪從晉來故云取汪而歸也彭衙在郃陽北

任不知四年秦繆公大興兵伐我渡河取王官正義

曰括地忠云王官故城在同州澄城縣西北六十里左傳文三年秦伐晉取王官即此先言渡河史文顛倒耳封殽

尸而去晉恐不敢出遂城守五年晉伐秦取新

城服虔曰秦邑新所作城也報王官役也六年趙衰成子欒貞

子咎季子犯霍伯皆卒欒貞曰欒貞子欒枝也霍伯先且居也趙盾代

趙衰執政七年八月襄公卒太子夷臯少晉人

以難故服虔曰晉國數有患難欲立長君趙盾曰立襄公弟

雍好善而長先君愛之且近於秦秦故好也立

善則固事長則順奉愛則孝結舊好則安賈季

曰不如其弟樂辰嬴嬖於二君服虔曰辰嬴懷嬴也二君懷公文公立

其子民必安之趙盾曰辰嬴賤班在九人下服虔

曰班次也其子何震之有賈逵曰震威也且為二君嬖淫也為先

君子正義曰樂文公子也不能求大而出在小國僻也毋淫

子僻無威正義曰僻正亦反言樂僻隱在陳而遠三援也陳小而遠無援將

何可乎使士會如秦迎公子雍賈季亦使人召

公子樂於陳趙盾廢賈季以其殺陽處父左傳曰此

時賈他為太師陽處父為太傅十月葬襄公十一月賈季奔翟是

歲秦穆公亦卒靈公元年四月秦康公曰昔文

公之入也無衛故有呂卻之患乃多與公子雍

衛太子毋繆嬴日夜抱太子以號泣於朝曰先

君何罪其嗣亦何罪舍適而外求君將安置此

服虔曰此太子出朝則抱以適趙盾所頓首曰先君奉此

子而屬之子曰此子材吾受其賜不材吾怨子

王肅曰怨其教導不至今君卒言猶在耳杜預曰在宣子之耳而弃之若

何趙盾與諸大夫皆患穆嬴且畏誅乃背所迎

而立太子夷臯是為靈公發兵以距秦送公子

雍者趙盾為將往擊秦敗之令狐先蔑隨會亡

奔秦秋齊宋衛鄭曹許君比皆會趙盾盟於扈杜預

曰鄭地榮陽卷縣西北有扈亭以靈公初立故也四年伐秦取少

梁秦亦取晉之郟徐廣曰年表云北微也。索隱曰按左傳文十年春晉人伐秦取少梁夏

秦伯伐晉取北微北微即年表所謂今六年秦康公伐

晉取羈馬晉侯怒使趙盾趙穿卻缺擊秦大戰

河曲趙穿最有功七年晉六卿患隨會之在秦

常為晉亂乃詳令魏壽餘反晉降秦秦使隨會

之魏因執會以歸晉八年周頃王崩公卿爭權

故不赴索隱曰春秋魯文十二年頃王崩周公閱與王孫蘇爭政故不赴是也晉使趙盾

以車八百乘平周亂而立匡王索隱曰左傳文十四年晉趙盾以諸侯之

師八百乘納捷菑于邾不克乃還而周公閱與王孫蘇訟于

晉趙宣子平王室而復之則以車八百乘自是宣子納邾捷

菑相連耳恐此誤是年楚莊王初即位十二年齊

人弒其君懿公十四年靈公壯侈厚斂以彫墻

賈逵曰從臺上彈人觀其避丸也宰夫肺能蹠不

熟服虔曰蹠熊掌其肉難熟靈公怒殺宰夫使婦人

持其屍出弃之過朝趙盾隨會前數諫不聽面

又見死人手二人前諫隨會先諫不聽靈公患

之使鉏麇刺趙盾賈逵曰鉏麇晉力士正義曰鉏音鋤麇音迷盾聞門開

居處節鉏麇退歎曰殺忠臣弃君命罪一也遂

觸樹而死杜預曰趙盾庭樹也初盾常田首山徐廣曰蒲坂縣有雷首山見桑

下有餓人餓人示眯明也索隱曰鄒誕生音示眯為祁彌即左傳之提彌明也

提音市移反劉氏亦音祁為時移反則祁提二字同音也而凡史記作示者示即周禮古本地神曰祗皆作示字鄒為祁者蓋由祁提音相近字遂變為祁也眯音米移反以眯為彌亦音相近耳又據左氏宣公二年祭下餓人是靈輶也其示

珠明是喉齜者也眯明闢而死今台二人為一人非也盾與之食食其半問其

故曰宣三年服虔曰官官學士也未知母之存不願遺母盾

義之益與之飯肉已而為晉宰夫趙盾弗復知

也九月晉靈公飲趙盾酒伏甲將攻盾公宰示

眯明知之恐亡自醉不能起而進曰君賜臣觴三

行索隱曰如字可以死能欲以去趙盾令先母及難盾既

去靈公伏士未會先縱齧狗名敖何休曰犬四尺曰敖索隱曰

縱足用反又作族又作就同素后反明為盾搏殺狗盾曰弃人用狗雖

猛何為然不知明之為陰德也已而靈公縱伏

士出逐趙盾示眯明反擊靈公之伏士伏士不

能進而竟脫盾盾問其故曰我桑下餓人問其

名弗告服虔曰不望報明亦因亡去盾遂奔未出晉境乙

丑盾昆弟將害甲趙穿襲殺靈公於桃園虞翻曰園名也而

迎趙盾趙盾妻不貴得民和靈公少後民不附故  
為弒易索隱曰以政反盾復位晉太史董狐書曰趙盾弒  
其君以視於朝盾曰弒者趙穿我無罪太史曰  
子為正卿而亡不出境反不誅國亂非子而誰  
孔子聞之曰董狐古之良史也書法不隱杜預  
隱盾宣子良大夫也為法受惡服虔曰聞義則服杜預曰善其為法受屈  
也正義曰惜也出疆乃免杜預曰越境則君臣之義絕可以不討賊也趙  
盾使趙穿迎詔裝八公弟黑臀于周而立之是為成  
公成公者文公少子其母周女也壬申朝于武  
宮成公元年詔賜趙氏為公族服虔曰公公族大夫也伐鄭鄭倍

晉故也三年鄭伯初立附晉而存楚楚怒伐鄭

晉往救之六年伐秦虜秦將赤索隱曰赤即斤謂斤

左傳晉伐秦獲秦小謀殺諸絳市蓋彼謀即此赤也晉成公六年而魯宣八年正同故知然也七年成公

與楚莊王爭彊會諸侯于富陳陳畏楚不會晉使

中行栢子伐陳索隱曰栢荀林父也因救鄭與楚戰敗楚

師是年成公卒子景公據立景公元年春陳大

夫夏徵舒弒其君靈公二年楚莊王伐陳誅徵

舒三年楚莊土圍鄭鄭告急晉晉使荀林父將

中軍隨會將上軍趙朔將下軍卻克欒書先穀

韓厥鞏鞏朝佐之六月至河聞楚已服鄭鄭伯肉

袒與盟而去。荀林父欲還，先穀曰：「凡來救鄭，不至不可將率。」離心卒度河，楚已服鄭，欲飲馬于河為名而去。楚定與晉軍大戰，鄭新附，楚畏之，反助楚攻晉。晉軍敗，走河，爭度，舟中人指其眾，楚虜我將智罃歸。而林父曰：「臣為督將軍，敗當誅，請死。」景公欲計之。隨會曰：「昔文公之與楚戰，城濮成王歸殺子玉，而文公乃喜。今楚已敗我師，又誅其將，是助楚殺仇也。」乃止。四年，先穀以首計而敗晉軍，河上恐誅，乃奔翟，與翟謀伐晉。晉覺，乃族穀。穀先軫子也。五年，伐鄭，為助楚故也。

是時楚莊王彊，以挫晉兵河上也。六年，楚伐宋。

宋來告急，晉景公欲救之。伯宗謀曰：「賈逵曰：伯宗，晉大夫。楚天

方開之，不可當。乃使解揚給為救宋。服虔曰：解揚，

人，執與楚楚，厚賜使反其言。令宋急下，解揚給

許之。卒至，晉君言，楚欲殺之。或諫，乃歸。解揚七

年，晉使隨會滅赤狄。八年，使卻克於齊。齊頃公

母從樓上觀而笑之。所以然者，卻克僂而魯，晉使

蹇衛使眡，故齊亦令人如之，以導客。卻克怒，歸

至河上，曰：「不報齊者，河伯視之。」至國，請君欲伐

齊。景公問知其故，曰：「子之怨安足以煩國，弗聽。」

魏文子請老休辟卻克克執政九年楚莊王卒  
晉伐齊齊使太子彊為質於晉晉兵罷十一年

春齊伐魯取隆索隱曰劉氏云隆即龍也魯北有隆山又此年當魯成二年經書齊侯伐我北

鄙傳曰圍龍又鄒誕及別本作信字信當作鄆文十二年季孫行父帥師城諸及鄆鄆即信也字變耳地理志云在東宛

魯告急衛衛與魯皆因卻克告急於晉乃使

卻克欒書韓厥以兵車八百乘與魯衛共伐齊

夏與頃公戰於鞏鞏傷困頃公頃公乃與其右易

位下取飲以得脫去齊師敗走晉追北至齊頃

公獻寶器以求平不聽卻克曰必得蕭桐姪子

為質索隱曰傳作叔子齊使曰蕭桐姪子頃公母頃公母

猶晉君母奈何必得之不義請復戰晉見許與

平而去楚申公巫臣盜夏姬以奔晉晉以巫臣

為邢大夫賈逵曰邢晉邑十二年冬齊頃公如晉欲上尊

晉景公為王景公讓不敢晉始作六卿賈逵曰初作六軍借

也韓厥鞏鞏朔趙穿荀躐趙括趙旃皆晉卿索隱曰躐音佳謚也

音佳謚也知罃自楚歸十三年魯成公朝晉晉弗敬

魯息怒去倍晉晉伐鄭取汜十四年梁出明公羊傳曰梁山

河上山杜預曰在馮翊夏陽縣北也問伯宗伯宗以為不足怪也徐廣曰伯宗隱其十六年楚將子反怨巫臣滅其族巫臣

怒遺子反書曰必令子罷於奔命乃請使吳令

其子為吳行人教吳乘車用兵吳晉始通約伐  
楚十七年誅趙同趙括族滅之韓厥曰趙衰趙  
盾之功豈可忘乎奈何絕祀乃復令趙庶子武  
為趙後復與之邑十九年夏景公病立其太子  
壽曼為君是為厲公後月餘景公卒厲公元年  
初立欲和諸侯與秦桓公夾河而盟歸而秦倍  
盟與翟謀伐晉三年使呂相讓秦賈逵曰呂相晉大夫因與  
諸侯伐秦至涇敗秦於麻隧虜其將成差五年  
三郤讒伯宗殺之賈逵曰三郤郤鏞郤欒郤至伯宗以好直諫  
得此禍國人以是不附厲公六年春鄭倍晉與

楚盟晉怒欒書曰不可以當吾世而失諸侯乃  
發兵厲公自將五月渡河聞楚兵來救范文子  
請公欲還郤至曰發兵誅逆見疆辟之無以令  
諸侯遂與戰癸巳射中楚共王目楚兵敗於鄢  
陵徐廣曰一作焉服虔曰鄢陵鄭之東南地也子反收餘兵柎  
循欲復戰晉患之共王召子反其侍者豎陽穀  
進酒子反醉不能見王怒讓子反子反死王遂  
引兵歸晉由此威諸侯欲以今天下求霸厲公  
多外嬖姬歸欲盡去羣大夫而立諸姬兄弟寵  
姬兄曰胥童嘗與郤至有怨及欒書又怨郤至

不用其計而遂敗楚左傳曰欒書欲待楚師退而擊乃

使人間謝楚楚來詐厲公曰鄢陵之戰實至召

楚欲作亂內子周立之會與國不具具以事不

成厲公告欒書欒書曰其殆有矣願公試使人

之周虞翻曰周京師微考之果使郤至於周欒書又使公

子周見郤至郤至不知見賣也厲公驗之信然

遂怨郤至欲殺之八年厲公獵與姬飲郤至殺

豕奉進宦者奪之索隱曰宦者孟張郤至射殺宦者公怒

曰季子欺予杜預曰公反以爲郤至奪豕也將誅三郤未發也郤錡

欲攻公曰我雖死公亦病矣郤至曰信不反君

智不害民勇不作亂失此三者誰與我我死耳

十二月壬午公令胥童以兵八百人襲攻殺三

郤胥童因以劫欒書中行偃于朝曰不殺二子

患必及公公曰一旦殺三卿寡人不忍益也對

曰人將忍君杜預曰謂書偃公弗聽謝欒書案以誅郤

氏罪大夫復位二子頓首曰幸甚幸甚公使胥

童為卿閏月乙卯厲公游匠驪氏賈逵曰匠驪氏晉外嬖大夫在

者欒書中行偃以其黨襲捕厲公囚之殺胥童

而使人迎公子周徐廣曰一作糾于周而立之是為悼公

悼公元年正月庚申欒書中行偃弑厲公葬之

左傳曰葬之于翼東門之外杜預曰言不以君禮葬也諸侯葬車七乘以一乘車萬八公囚

六日死死十日庚午智瑩迎公子周來至絳刑

雞與大夫盟而立之是為悼公卒已朝武宮三

月乙酉即位悼公周者其大父捷晉翼公少子

也不得立號為栢叔栢叔最愛栢叔生愚伯談

談生悼公周周之立年十四矣悼公曰大父父

皆不得立而辟難於周客死焉寡人自以疎遠

母幾為君索隱曰幾音冀謂望也今大夫不忘文襄之意而

惠立栢叔之後賴宗廟大夫之靈得奉管祀豈

敢不戰戰乎大夫其亦佐寡人於是逐不臣者

七人脩舊功施德惠收文公入時功臣後秋伐

鄭鄭師敗遂至陳三年晉會諸侯索隱曰於維澤也悼公

問羣臣可用者祁奚舉解狐解狐奚之仇復問

舉其子祁午君子曰祁奚可謂不黨矣外舉不

隱仇內舉不隱子方會諸侯悼公弟楊干亂行

賈逵曰魏絳戮其僕僕御也悼公怒或諫公公卒賢

絳任之政使和戎戎大親附十一年悼公曰自

吾用魏絳九合諸侯服虔曰九合一謂會于戚二會城棣救陳三會于鄆四會于邢立五

賜之樂二讓乃受之冬秦取我櫟索隱曰音歷釋例云在河北地

同盟于戲六會于相七成鄭虎牢八同盟于亳城北九會于蕭魚和戎翟魏子之力也

關十四年晉使六卿率諸侯伐秦。度涇，大敗秦軍，至械林而去。十五年，悼公問治國於師曠，師曠曰：「唯仁義為本。」冬，悼公卒，子平公彪立。平公元年，伐齊。齊靈公與戰，靡下。徐廣曰：靡一作歷。索隱曰：劉氏靡音眉，綺反。即靡也。齊師敗走，晏嬰曰：「君亦毋勇，何不止戰？」遂去。晉追遂圍臨菑，盡燒屠其郭中。東至膠，南至沂，齊皆城守。晉乃引兵歸。六年，魯襄公朝晉。晉欒逞有罪，奔齊。八年，齊莊公微遣欒逞於曲沃，以兵隨之。齊兵上太行，欒逞從曲沃中反，襲入絳，不戒。平公欲自殺，范獻子止公，以其徒擊逞。

逞敗走曲沃，曲沃攻逞，逞死。遂滅欒氏宗。逞者，欒書孫也。左傳逞作盈。其入絳與魏氏謀，齊莊公聞逞敗，乃還取晉之朝歌去，以報臨菑之役也。十年，齊崔杼弑其君莊公。晉因齊亂，伐敗齊於高唐，去報太行之役也。十四年，吳延陵季子來使，與趙文子韓宣子、魏獻子語曰：「晉國之政卒歸此三家矣。」十九年，齊使晏嬰如晉，與叔嚮語。叔嚮曰：「晉季世也，公厚賦為臺池，而不恤政，政在私門，其可久乎？」晏子然之。二十二年，伐燕。二十六

年，平公卒，子昭公夷立。昭公六年卒，六卿彊公

室卑

索隱曰韓趙魏范中行及晉氏為六卿後韓趙魏為三卿而分晉政故曰三晉子頃公去

疾立頃公六年周景王崩王子爭立晉六卿平

王室亂立敬王九年魯季氏逐其君昭公昭公

居乾侯十一年衛宋使使請晉納魯君季平子

私賂范獻子獻子受之乃謂晉君曰季氏無罪

不果入魯君十二年晉之宗家祁奚孫叔嚮子

相惡於君六卿欲弱公室乃遂以法盡滅其族

而分其邑為十縣各令其子為大夫晉益弱六

卿皆大十四年頃公卒子定公午立定公十一

年魯陽虎奔晉趙鞅簡子舍之十二年孔子相

魯十五年趙鞅使邯鄲大夫午不信欲殺午午

與中行寅范吉射親攻趙鞅索隱曰寅荀偃之孫射音亦范獻子士鞅之子

鞅走保晉陽定公圍晉陽荀櫟韓不信魏侈與

范中行為仇乃移兵伐范中行范中行反晉君

擊之敗范中行行走朝歌保之韓魏為趙

鞅謝晉君乃赦趙鞅復位二十二年晉敗范中

行氏二子奔齊三十年定公與吳王夫差會黃

池爭長趙鞅時從卒長吳徐廣曰吳世家說黃池之盟云趙鞅怒將戰吳乃長

晉定公左氏傳云乃先晉人外傳云吳公先鞅晉公次之三十一年齊田常弒其君

簡公而立簡公弟驁為平公三十三年孔子卒

三十七年定公卒子出公鑿立出公十七年徐廣曰年表云出公立十八年或云二十年

知伯與趙韓魏共分范中行地索隱曰時趙魏韓共滅范

以為邑出公怒告齊魯欲以伐四卿索隱曰時趙魏韓共滅范

四卿恐遂反攻出公出公氏及中行氏而分其地猶有智氏與三晉故云四卿

奔襄道死故知伯乃立昭公會孫驕為晉君是

為哀公索隱曰趙系家云驕是為懿公又年表云出公十

出公二十三年奔楚乃立昭公之孫是為敬公系本亦云昭

公生札相公子雍生忌忌生懿公驕然晉趙系家及年表並

皆不同何况紀年之說也哀公大夫雍晉昭公少子也號為戴

子徐廣曰此本作相子雍注云戴子戴子生忌忌善知伯早死故知

伯欲盡并平未敢乃立忌子驕為君當是時晉

國政皆決知伯晉哀公不得有所制知伯遂有

范中行地最彊哀公四年趙襄子韓康子魏相

子共殺知伯盡并其地索隱曰如紀年之說此十八

年哀公卒子幽公柳立幽公之時晉畏反朝韓

趙魏之君索隱曰畏懼也為衰弱故反朝韓趙魏也宋忠引此注系本而畏字作真獨有絳

曲沃餘皆入三晉十五年魏文侯初立索隱曰按

侯初立在敬公十八年幽公淫婦人夜竊出邑中盜

殺幽公索隱曰紀年云夫人素魏文侯以丘誅晉亂

立幽公子上是為烈公索隱曰系本幽公生烈成公止

也烈公十九年周威烈王賜趙韓魏皆命為諸

侯二十七年烈公卒。子孝公頌立。索隱曰：系本云孝公頌以紀年。

公為相公故韓子有晉相侯孝公九年魏武侯初立，襲邯鄲，不

勝而去。十七年孝公卒。索隱曰：紀年云相公二十年趙成侯韓共侯遷相公於也。

留已後更無晉事子靜公俱酒立。索隱曰：系本云靜公俱是歲齊威王

元年也。靜公二年魏武侯韓哀侯趙敬侯滅晉

後而三分其地。索隱曰：紀年云魏武侯以相公十五年卒卒韓哀侯趙敬侯並以相公十五年卒

又趙系家列侯十六年與韓分晉封晉君端氏其後十年肅侯徙晉於屯留不同也靜公益遷為家

人晉絕不祀。

太史公曰：晉文公古所謂明君也。亡居外十九

年，至困約及即位而行賞，尚忘介子推，况驕主

乎。靈公既弒，其後成景致嚴，至厲大刻，大夫懼

誅禍作，悼公以後日衰，六卿專權，故君道之御

其臣下固不易哉。

索隱述贊曰：

天命叔虞

卒封於唐

桐圭既削

河汾是荒

文侯雖嗣

曲沃日彊

未知本末

祚傾相莊

獻公昏惑

太子懼殃

重耳致霸

朝周河陽

靈既喪德

厲亦無防

曰卿侵侮

晉祚遽亡

晉世家五

魏世家五

秦本紀

周本紀

漢本紀

宋本紀

齊本紀

魯本紀

燕本紀

趙本紀

晉世家第九

史記萬二千二百拾壹字

註計伍仟柒佰陸拾字

史記三十九

